

योह्न

लिख्यो सुब-समिचार

लिखवा वाळो: योह्न

लिखवा की वजा: ईसु पे
बिसास करो

लिखवा को बखत: करीब
८५-९५ ईस्वी सन्

दूसरी सदी का सुरु सेज चली अइरी परमपराहुंण का मुजब चोथा सुब-समिचार को लिखवा वाळो जब्दी को बेटो, याकूब को भई योह्न परेरितज मान्यो जाय हे। उ बारा चेलाहुंण माय से एक थो।

योह्न तीन खास सबदहुंण (याने सेलाणिहुंण, बिसास, अने जीवन) पे खास जोर देता होया (२०:३०,३१), इना सुब-समिचार के लिखवा को खास कारण दिखाड़े हे।

(क) सेलाणिहुंण: "सेलाणिहुंण" सबद् के परभु ईसु का अचरज का कामहुंण सरु काम माय लायो जाय हे। परभु ईसु को सरुप दिखाइवा सरु योह्न ने परभु ईसु ने जो सात अचरज का कामहुंण के छांट्या। हरेक माय एक खास सन्देसो हे।

१. पाणी के दाखरस माय बदळणो - सरुप पे हक
२. राज-करमचारी का बेटा के नज करनो - दूरी पे हक
३. अइतीस बरस का बेमार के नज करनो - बखत पे हक
४. पांच हज्जार के जिमाइणो - मातरा पे हक
५. पाणी पे चलनो - परकती पे हक।
६. आंदा के आंखहुंण देणो - कमजोरी पे हक।
७. लाजर के जिवाइयो जाणो - मोत पे हक।

(ख) बिसास: पोथी माय "बिसास" सबद् करीब अठ्याणु कावा आयो हे इना सबद् के लोगहुंण कसे समजे इकासरु इके घडी-घडी काम माय ल्यो हे अने ईसु पे बिसास करवा वाळा उका चेलाहुंण बणी गया, पण बिसास नी करवा वाळा ईसु का दुसमन बणी गया। ईसु से मिळी के लोगहुंण बिचारवा पे मजबुर हुई जाता था।

(ग) जीवन: यो सबद् ईसु पे बिसास का फळ के बताड़े हे। जीवन पाणे को मतलब ईसु मसीह को हुई जाणो, याने नवा जनम से उका आतमिक परवार माय जनम लेणो हे। यो ईसवरीय सुभाव हे जो एक बिसास करवा वाळा के द्यो जाय हे। परभु ईसु ने नीकुदेमुस फरीसी से क्यो, "जदत्तक कई को नवा सिरा से जनम नी लई ले, उ परमेसर को राज नी देखी सके।" (३:३) इना जीवन के अजर-अमर जीवन क्यो हे (३:१५) या आतमिक मोत की बिपरित दसा हे।

रूप-रेखा:-

१. परमेसर का बेटा के परगट करनौ १:१-१८
२. परमेसर का बेटा की समाज माय सेवा १:१-१२:५०
३. परमेसर का बेटा की आत्मिक सेवा १३:१-१७:२६
४. परमेसर का बेटा की दुःख भोगवा की आखरी सेवा .. १८:१-२०:३१
५. परमेसर का बेटा को आखरी संदेसो २१:१-२५

बचन जो काया माय आयो

आदी माय बचन^a थो, अने बचन
 १ परमेसर का गेले थो अने बचनीज परमेसर थो।^२योज आदी माय परमेसर का गेले थो।^३सगळो कई उकासेज बण्यो अने जो कई बण्यो, उका माय से कई बी असो हयनी जो उकासे नी बण्यो।^४उका माय जीवन थो अने उ जीवनीज मनख को उजाळो थो।^५अने उजाळो इन्दारा माय चळके पण इन्दारा ने उके मान्यो हयनी।

६^a परमेसर आडी से मोकल्यो होयो एक मनख आयो जेको नाम योहन् थो।^७उ इकासरु आयो के उना उजाळा को गवा बणे के सगळा उकी वजासे उजाळा माय बिसास करे।^८योहन् खुद तो उ उजाळो नी थो पण इकासरु आयो थो के लोगहुंण के उना उजाळा की गवई दे।^९उ सांचो उजाळो जो हरेक मनख के ज्ञान-जोत दे जग माय आणे वाळो थो

१०^५ जग माय थो अने जग उकी वजासे बण्यो अने जग ने उके पेचाण्यो

हयनी।^{११}उ अपणा^{४७} घर आयो अने उका अपणा लोगहुंण ने उके नी मान्यो।^{१२}पण जितरा ने उके मान्यो, उने परमेसर का बेटा होवा को हक उणके द्यो, जो उका नाम पे बिसास राखे।^{१३}वी नी तो लोई से, नी काया की मरजी से, अने नी मनख की मरजी से, पण परमेसर से जन्म्या हे।

१४^५अने बचन जो किरपा अने सच्चई से भर्यो थो काया धारी हुई ने हमारा अदाइ माय र्यो अने हमने उकी असी म्हेमा देखी जसी पिता का एखला बेटा की म्हेमा।

१५^५योहन् ने उका बारामें गवई दई अने चिल्लाडी-चिल्लाडी के बोल्यो यो उज हे जेका बारामें म्हेने क्यो थो उ जो म्हार पाछे आणे वाळो हे म्हार से अगड़े हे क्यौंके उ म्हार से पेलं थो

१६^५क्यौंके उकी पुरणता माय से सगळा ने पायो याने किरपा पे किरपा।^{१७}क्यौंके नेम मूसा से मिळ्या पण किरपा अने सच्चई तो ईसु मसीह से मिळी।^{१८}परमेसर के कइंका ने कदी नी देख्यो

^a १.१ बचन; यूनानी भासा माय 'लोगोस' जेको अरथ समिचार। इको सुब-समिचार बी अनुवाद कर्यो जई सकतो हे। यां इको अरथ हे - ईसु। ईसु एक मारण हे जेका से खुद परमेसर पिता ने लोगहुंण के अपणा बारामें बताइयो।

^f १.६: मती ३.१; मरकुस १.४; लूका ३.१-२

परमेसर एखलो, जो पिता का खोळा माय हे उनेज उके परगट्यो।

योहन् की गवई

(मती ३:१-१२; मरकुस १:१-८; लूका ३:१-१८)

१९ योहन् की गवई या हे के जदे यहूदिहुंण ने उका कने यरुसलेम नगर से परमेसर का लेवी सेवकहुंण अने पुरोहितहुंण के पुछणे मोकल्या के "तू कुंण हे"

२० तो योहन् ने मानी ल्यो के हूं मसीह^६ हयनी।

२१^७ जदे उणने उकासे पुछ्यो के, तू कई एलियाह नबी हे?

योहन् ने क्यो, "हूं हयनी।"

उणने क्यो "कई फेर तू उ नबी^८ हे?"

उने जुवाब द्यो "हयनी"।

२२ जदे उणने उकासे पुछ्यो तो फेर तू हे कुंण, के हम उके कई जुवाब दां जेने हमारे मोकल्या?

२३^९ उने क्यो, जसा के यसायाह नबी ने क्यो थो :

"हूं मांळ माय एक हेला पाइवा

वाळा को हेलो हूं,

'परभु सरु मारग सुदो बणाव!"

२४ ई लोगहुंण तो फरीसिहुंण आड़ी से मोकल्या गया था। २५ तो उणने उकासे पुछ्यो जदे तू मसीह हयनी, एलियाह हयनी अने उ नबी हयनी फेर तू बपतिसमो^६ कायसरु दई र्यो हे।

२६ योहन् ने उणके जुवाब द्यो "हूं तो पाणी से बपतिसमो दूं हे पण तमारा अदाइ माय एक जणो उब्यो हे जेके तम नी जाणो हो। २७ उ उज मसीह हे जो म्हारा पाछे आणे वाळो हे अने जेकी पन्नी उठाइवा लायक हूं हयनी।

२८ ई बात यरदन का वय्यांड़ी बेतनिय्याह गांम माय हुई जां योहन् बपतिसमो देतो थो।

परमेसर को मेमणो

२९ दूसरा दन उने ईसु के अपना आड़ी आता देखी के बोल्यो, "देखो परमेसर को मेमणो, जो जग को सगळो पाप उठई लई जाय हे। ३० यो उज मसीह हे जेका बारामें म्हने क्यो थो के म्हारा पाछे एक जणो अई र्यो हे, जो म्हार से अगड़े हुई गयो, क्योके उ म्हार से पेलां थो। ३१ अने हूं - उके नी जाणतो थो पण हूं इकासरु पाणी से बपतिसमो देतो आयो, के उ इसराइल जात पे परगट हुई जाय।

३२ अने योहन् ने यूं केता होया गवई दई, "म्हने असमान के खुलतो होयो अने आतमा के कबुतर सरीको उतरतो देख्यो हे अने उ ईसु का अदरे अई बेठ्यो। ३३ अने हूं तो उके नी जाणतो थो पण जेने म्हारे पाणी से बपतिसमो देणे मोकल्यो उनेज म्हारे क्यो, 'जे पे तू पवित्तर आतमा

^६ १.२० मसीह; सबद् भण्डार माय देखो। ^८ १.२१ उ नबी; यहूदिहुंण को बिसास थो के ईसु से पेलां

एलियाह नबी को आणो जरूरी हे (मीका ४:५)। ^६ १.२५ बपतिसमो; सबद् भण्डार माय देखो।

^७ १.२१: नेम-विधान १८.१५, १८; मलाकी ४.५ ^९ १.२३: यसायाह ४०.३

के उतरतो अने ठेरतो देखे पवितर आतमा से बपतिसमो देणे वालो योज हे'। ३४म्हने देख्यो अने गवई दई हे के योज परमेसर को बेटो हे।"

चेलाहुंण के छांट्यो जाणो

३५पाछो दूसरा दन योहन् अपना चेलाहुंण माय से दो का गेले उबो थो। ३६अने उने ईसु के जातो होयो देखी के बोल्यो, "देखो परमेसर को मेमणो।"

३७जदे दोई चेला योहन् की बात सुणी के ईसु का पाछे हुई गया। ३८ईसु ने पलटी के उणके अपना पाछे आता देख्या तो उ बोल्यो, "तम के के दुंडी र्या?"

वी बोल्या, "हे रब्बी (याने हे गरु) तू कां रे हे?"

३९उ उणकासे बोल्यो, "चल्या चलो तो देखी लोगा।" तो उणने जई के देख्यो के उ कां रई र्यो हे अने उना दन वी उका गेले र्या, क्योँके सांज का करीब चार बजी चुक्या था।

४०[उना दोई माय से जिणने योहन् की बात सुणी अने ईसु का पाछे होया था एक तो सिमोन पतरस को भई अन्द्रियास थो।] ४१उने पेलां अपना सगा भई सिमोन से मिळी के उकासे बोल्यो, "हमारे मसीह याने खीष्ट मिळी ग्यो हे।" ४२अने उ उके ईसु कने ल्यायो।

ईसु ने उका आडी देखी ने बोल्यो, "तू योहन् को बेटो सिमोन हे। तू केफा याने पतरस केवायगा।"

फिलिप्पुस अने नतनएल

४३दूसरा दन ईसु ने गलील जावा को मंसूबो कर्यो अने फिलिप्पुस के पई के उकासे बोल्यो, "म्हारा पाछे चलयो चला।"

४४फिलिप्पुस तो अन्द्रियास अने पतरस का नगर बेतसेदा को थो। ४५फिलिप्पुस ने नतनएल से मिळी के उकासे बोल्यो, "जेका बारामें मूसा अने, नेम अने, नबिहुंण ने बी लिख्यो हे उ हमारे मिळी ग्यो, याने यूसफ को बेटो, नासरत नगर को ईसु।"

४६अने नतनएल ने उकासे क्यो, "अरे! नासरत से बी कइंकी अच्छी चीज निकळी सके?"

फिलिप्पुस उकासे बोल्यो, "अई के देखी ले।"

४७ईसु ने नतनएल के अपना आडी आतो देखी के उका बारामें बोल्यो, "देखो सांची माय एक इसराइली जेका माय कई को खोट हयनी।"

४८नतनएल उकासे बोल्यो, "तू म्हारे कसे जाणे हे?"

ईसु ने उके जुवाब देतो होयो क्यो, "इका पेलां के फिलिप्पुस ने थारे तेइयो, जदे तू अंजीर का झाड़ का निच्चे थो। म्हने थारे देख्यो थो।"

४९नतनएल ने उके जुवाब द्यो, "गरु, तू परमेसर को बेटो हे, तू इसराइल को राजो हे।"

५०ईसु उकासे बोल्यो, "म्हने थार से क्यो के म्हने थारे अंजीर का झाड़ निच्चे देख्यो, कई तू इकासरु तो बिसास

नी करी र्यो हे? तू इणकासे बी बड़ा-बड़ा काम देखेगा।" ^{५१} उ पाछो बोल्यो, हूं थार से सांची सांची कूं के तम सरग के खुल्यो अने परमेसर का सरगदूतहुंण का गेले हूं मनख का बेटा के निच्चे उतरता अने अदरे चड़ता देखेगा।

गलील का काना नगर माय ब्याव

तीसरा दन गलील का काना नगर ^२ माय एक ब्याव थो, अने ईसु की मेतारी बी वां थी। ^३ईसु अने उका चेलाहुंण बी उना ब्याव माय नोल्या गया था। ^४जदे दाखरस घटी ग्यो तो ईसु की मेतारी ने उकासे क्यो, "उणका कने दाखरस हयनी।"

^५तो ईसु बोल्यो, "हे नारी तम म्हार से कायसरु कई र्या हो? म्हारो बखत अबी नी आयो।"

^६उकी मेतारी ने सेवकहुंण से क्यो, "जो कई उ तमार से के उज करजो।"

^७वां यहूदिहुंण के सुद्द करवा की रीति मुजब तरास्या भाटा का छे: भोमब्ब्या धर्या था, एक-एक माय बीस से तीस मण^१ समातो थो। ^८ईसु ने उणकासे क्यो, "भोमब्ब्याहुंण के पाणी से उबराता भरी लाखो उणने उणके उबराता भरी लाख्या। ^९ईसु ने उणकासे क्यो, "अबे थोडोक हेडी के रसोइया का परधान कने लई जाव।" अने वी लई गया। ^{१०}जदे रसोइया का परधान ने उना पाणी के चाख्यो जो दाखरस बणी ग्यो थो उ नी जाणतो थो के यो कसे आयो पण जेना सेवक



छे भोमब्ब्याहुंण के भरनों (JHN २.६)

चाकरहुंण ने पाणी हेइयो थो वी जाणता था। तो रसोइया का परधान ने लाड़ा के तेइयो। ^{११}अने उकासे बोल्यो "हर मनख पेलां अच्छो दाखरस दे अने जदे मनखहुंण पीके छाकी जाय तो घट्यो पिवाड़े पण तने तो अच्छो दाखरस अबी तक बचई राख्यो।"

^{१२}असतरा गलील का काना माय ईसु ने अपणो पेलो अदभुद चमत्कार के सुरु करिके अपणी म्हेमा परगटी, अने उका चेलाहुंण ने उका पे बिसास कर्यो।

^{१३}इका बाद ईसु, उकी मेतारी, उका भई-बेनहुंण अने चेलाहुंण कफरनहूम सेर-गांम गया अने वां थोड़ाक दन र्या।

मन्दर के सुद्द करनों

(मती २१:१२-१३; मरकुस ११:१५-१७;

लूका १९:४५-४६)

^{१४}यहूदिहुंण को फसह^२ को तेवार कने थो अने ईसु यरुसलेम नगर

^१ २.६ बीस से तीस मण यूनानी माय; हरेक भोमब्ब्या माय करीब ७५ से ११५ लीटर पाणी समातो।

^२ २.१३ फसह; सबद् भण्डार माय देखो।

^३ १.५१: उत्पत्ती २८.१२

^४ २.१२: मती ४.१३

^५ २.१३: निरगमन १२.१-२७

ग्यो। ^{१४}अने मन्दर माय उने बेल, गाडर अने कबुतर बेचवा वाळाहुंण के अने दलालहुंण के बैठ्या देख्या। ^{१५}अने रासहुंण को एक कोडो बनायो अने उना सगळा के गाडरहुंण अने बेलहुंण का गेले मन्दर से बायरे हेडी लाख्या। अने दलालहुंण का सिक्काहुंण के बखेरी लाख्या अने तखतहुंण के उलटी लाख्या। ^{१६}अने कबुतर बेचवा वाळा से बोल्यो, "इणके यां से बायरे लई जाव। म्हारा पिता परमेसर का घर के बेपार को घर मती बनाव।" ^{१७}झट उका चेलाहुंण के रियाद आयो के लिख्यो हे, "थारा घर को लगाव म्हारे खई जायगा।"

^{१८}इकासरु यहूदिहुंण ने ईसु के जुवाब द्यो, "तू जो करे तो हमारे कां की सेलाणी बताड़े हे? अने यो केका हक से करे?"

^{१९}ईसु ने जुवाब देतो होयो उणकासे क्यो, "इना मन्दर के ढब्डी लाखो अने हूं इके तीन दन माय पाछो उबो करी द्वां।"

^{२०}इका पे यहूदिहुंण ने क्यो, "इना मन्दर के बनावा माय छयाळीस बरस लाग्या हे। कई तू इके तीन दन माय उबो करी लाखेगा?"

^{२१}पण उ तो अपणी काया का मन्दर का बारामें कई र्यो थो। ^{२२}इकासरु जदे उ मर्या माय से जी उठ्यो तो उका चेलाहुंण के रियाद अई के उने क्यो थो, अने उणने पवितर सासतर

का अने उना बचन के जो ईसु ने क्यो थो बिसास कर्यो।

ईसु मनख का सुभाव के जाणे

^{२३}जदे उ फसह का तेवार का बखत यरुसलेम नगर माय थो तो घणा लोगहुंण ने उनी सेलाणी के जिणके उ दिखाइतो थो देखी के उका पे बिसास कर्यो। ^{२४}पण जां तक ईसु को नातो थो उने अपणा खुद के उणका भरोसे नी छोड़्यो, क्योके उ सगळा के जाणतो थो। ^{२५}तो उके इनी बात की जरुवत नी थी के कई को मनख कईका मनख का बारामें गवई दे। क्योके उ खुद जाणतो थो के मनख का हिरदा माय कई हे।

ईसु अने नीकुदेमुस

^३फरीसिहुंण माय से नीकुदेमुस नाम को एक मनख थो जो यहूदिहुंण को बड़ो हाकिम थो। ^२उने रात माय ईसु कने अई के क्यो, "हे गरु हम जाणा के तू परमेसर आड़ी से गरु हुई के आयो क्योके इना अचरजहुंण के जो तू दिखाड़े कई को बी दिखई नी सके जदत्तक के परमेसर उका गेले नी रे।"

^३ईसु ने उके जुवाब द्यो हूं थार से सांची-सांची कूं के "जदत्तक कई को नवा सिरा से जनम^४नी लई ले, उ परमेसर को राज नी देखी सके।

^४नीकुदेमुस ने उकासे क्यो, "डोकरो मनख कसे जनम लई सके? कई अपणी

^४ ३.३ नवा सिरा से जनम; या उंचो से जनम।

^१ २.१७: भजन संहिता ६९.९ ^२ २.१९: मती २६.६१, २७.४०; मरकुस १४.५८, १५.२९

मेतारी की कोख माय दूसरी कावा जई के जनम लई सकतो हे?"

५ईसु ने जुवाब द्यो, "हूं थार से सांची-सांची कूं के जदतक कई को मनख पाणी अने आतमा से नी जनमे उ परमेसर का राज माय जई नी सके।" ६जो काया से जन्म्यो उ काया अने जो आतमा से जन्म्यो उ आतमा हे। ७चकराय मती के म्हने थार से क्यो, "जरूरी हे के तू नवो जनम लई ले। ८बायरो जइय्यांडी चावे वय्यांडी चले हे अने तू उकी सरसराहाट सुणे पण या नी जाणे के कय्यांडी आवे अने कय्यांडी जावे। जो मनख आतमा से जन्म्यो हे उ असोज हे।

९नीकुदेमुस ने उकासे क्यो, "यो सगळो कसे हुई सके?"

१०ईसु ने नीकुदेमुस से क्यो, "कई तू इसराइलहुंण को गरु हयनी, फेर बी इनी बातहुंण के नी समजी सके? ११हूं थार से सांची-सांची कूं के हम जो जाणा उज बोलां हे अने जेके हमने देख्यो उकी गवई दां हे। अने तम हमारी गवई मानो हयनी। १२जदे म्हने तमार से धरती की बातहुंण करी तो तम भरोसो नी करो, तो अगर हूं तमार से सरग की बातहुंण करूं तो कसे भरोसो करोगा? १३अने कई को सरग पे नी चइयो सिरप उज जो सरग से उतर्यो, याने हूं मनख को बेटो।"

१४[†] अने जसा मूसा ने मांळ माय सांप के अदरे लटकाइयो असोज जरूरी हे के मनख को बेटो बी अदरे लटकाइयो जाय। १५के जो बी ईसु पे बिसास राखे उ उका माय अजर-अमर जीवन पाय।

१६क्योंके परमेसर ने जग से असो परेम राख्यो की उने अपणो एखलो बेटो दई द्यो के जो कई को मनख उका पे बिसास राखे उ मिटे हयनी पण अजर-अमर जीवन पाय। १७परमेसर ने अपणा बेटा के जग माय इकासरु नी मोकल्यो के जग पे आरोप लगाइे पण इकासरु के जग के उकासे उध्दार मिळे।

१८जो उका पे बिसास करे उ कसुरवार नी रेगा जो बिसास नी करे उ कसुरवार हुई गयो, क्योंके उने परमेसर का एखला बेटा का नाम पे बिसास नी कर्यो। १९अने दोष यो के उजाळो जग माय आ चुक्यो पण मनखहुंण ने उजाळा का बदळा माय इन्दारा से ज्यादा परेम राख्यो इकासरु के उणका काम बुरा था। २०क्योंके हरेक जो बुरई करे, उजाळा से बेर राखे अने उजाळा कने नी आवे के कई उणका काम नगे नी अई जाय। २१पण वी जो सत पे चले, उजाळा कने आय हे। जेकासे यो परगटे के उणका काम परमेसर आडी से कर्या गया हे।

योहन् ने ईसु के बपतिसमो द्यो

२२इका बाद ईसु अने उका चेलाहुंण, यहूदिया परदेस माय आया अने ईसु वां उणका गेले रई के बपतिसमो देतो थो। २३योहन् बी सालेम गांम कने ऐनोन माय बपतिसमो देतो थो। क्योंके वां पाणी गंज थो, अने मनखहुंण बपतिसमा लेता था। २४[†] क्योंके योहन् उना बखत तक जेळखाना माय नी लाख्यो थो।

[†] ३.१४: गिणती २१.९

[†] ३.२४: मती १४.३; मरकुस ६.१७; लूका ३.१९-२०

२५इकासरु योहन का चेलाहुंण को कइंका यहूदी[†] का गेले सुद्ध करवा की रीति का बारामें बिवाद हुई ग्यो। २६अने उणने योहन कने अई के उकासे क्यो, हे "गरु उ जो यरदन का उना पार थारा गेले थो अने जेकी तने गवई दई, देख उ बपतिसमो दई र्यो अने सगळा मनख उका कने अई र्या हे।

२७योहन ने जुवाब द्यो "जदतक कइंका मनख के सरग से नी द्यो जाय, तदतक उ कइंबी नी पई सके। २८तम खुदी म्हारी गवई दो हो, के म्हने क्यो थो, "हूं मसीह हयनी, पण उका पेलां मोकल्यो हूं। २९लाडो उज हे जेकी लाडी हे, पण लाडा का साती जो उव्या हे वी उकी सुणे, लाडा की बात सुणी के खुसी से भरी उठे असतरा म्हारी या खुसी पूरण हुई। ३०जरूरी हे की उ बड़े अने हूं घट्ट।

उ जो सरग से उतर्यो

३१जो अदरे से आय उ सगळा से बड़ी के, जो धरती से, उ धरती को हे अने धरती की बात करे, उ जो सरग से आवे सगळा से बड़ी के हे। ३२जो कंई उने देख्यो अने सुण्यो उ उकी गवई दे हे फेर बी कइंका मनखहुंण उकी गवई नी माने। ३३जेने उकी गवई मानी ली उने इनी बात पे छाप लगाडी दी के परमेसर सांचो हे। ३४जेके परमेसर ने मोकल्यो उ परमेसर की बात करे क्योके बिना कइंका नाप के परमेसर ने उके पवितर

आतमा को अनन्त दान द्यो हे। ३५[†] पिता बेटा से परेम राखे अने उने उका हात माय सगळो कंई दई द्यो हे। ३६जो बेटा पे बिसास करे अजर-अमर जीवन उको हे पण उ जो बेटा के नी माने जीवन के नी देखेगा पण परमेसर की रीस उका पे बणी रे हे।

ईसु अने सामरी बइरा

जदे परभु के मालम पड़ी के ४ फरीसिहुंण ने सुण्यो हे के ईसु योहन से जादा चेला बनाय अने उणके बपतिसमो दे हे। २जदके ईसु खुद नी पण उका चेलाहुंण बपतिसमो दई र्या था। ३ईसु यहूदिया इलाका के छेकी के पाछो गलील परदेस चल्थो ग्यो। ४अने उके सामरिया परदेस माय से हिटी के जाणो पड़्यो।

५[†] तो उ सामरिया का सुखार नाम का एक नगर माय आयो। जो उनी जगा कने हे जेके याकूब ने अपणा बेटा यूसफ के दई थी। ६अने याकूब को कुओ वांज थो। तो जातरा से थकी के कुआ कने ईसु सुसतावा लाग्यो। उना बखत दफोर्यो हुई र्यो थो।

७इतरा माय सामरिया की एक बइरा पाणी भरवा अई। ईसु ने उकासे क्यो, "म्हारे पाणी पिवाड" ८क्योके उका चेलाहुंण जिमण मोल लेवा सरु नगर माय गया था।

९[†] वा सामरिया की बइरा उकासे बोली "या कसी बात हे की तू यहूदी हुई के

[†] ३.२५ यहूदी; कई लेखहुंण माय यहूदिहुंण।
माथा पे रे हे।

[†] ४.६ दफोर्यो; दन को छटवों घंटो या जदे सूरज

[†] ३.२८: योहन १.२०

[†] ३.३५: मती ११.२७; लूका १०.२२

[†] ४.५: उत्पत्ती ३३.१९; यहोसू २४.३२

[†] ४.९: एजरा ४.१-५; नेहेम्या ४.१-२

म्हार से पाणी मांगे? हूं सामरी^४ बइरा हूं। यहूदी तो सामरिहुंण से कसीज तरा को रिस्तो नी राखता था।

१०ईसु ने जुवाब द्यो, "अगर तू परमेसर का बरदान के जाणती अने यो के उ कुंण हे जो थारे के 'म्हारे पाणी पिवाड़' तो तू उकासे मांगती अने उ थारे जीवन को पाणी देतो।"

११बइरा उकासे बोली, 'म्हाराज,^५ थारा कने पाणी भरवा को कई साधन हयनी अने कुओ उन्डो हे तो जीवन को पाणी थारा कने कां से आयो।^{१२}कई तू हमारा पिता याकूब से बी मोटो हे जेने हमारे यो कुओ द्यो जेका माय से उने खुद अने उका बंस अने उका ढोरहुंण ने बी प्यो?

१३ईसु ने उके जुवाब द्यो, "कइंको बी जो इना पाणी के पीवे उ पाछो तिरस्यो होय, ^{१४}पण जो कई को उना पाणी माय से पीवे जो हूं उके दूवां सनातन काल तक तिरस्यो नी रेगा। पण उ पाणी जो हूं उके दूवां उका माय अजर-अमर जीवन सरु उफणतो होयो पाणी को झिरण बणी जायगा।"

१५बइरा उकासे बोली, "म्हाराज, यो पाणी म्हारे बी दई दे! जेकासे के म्हारे तिरस नी लागे, अने नीज पाणी भरवा यां तक आणो पड़े।"

१६ईसु ने उकासे क्यो, "जई के अपणा घराळा के लेडी ला।"

१७बइरा ने उके जुवाब द्यो, "म्हारे कई को घराळो हयनी।"

ईसु उकासे बोल्थो, "तने सांची कई, 'म्हारो कई को घराळो हयनी।' ^{१८}क्योंके थारा पांच घराळा हुई चुक्या हे अने अबी जो थारा कने रे उ बी थारो घराळो हयनी यो तने सांची क्यो।"

१९उनी बइरा ने उकासे क्यो म्हाराज म्हारे लागे के तू नबी हे। ^{२०}हमारा पूरखाहुंण ने इना परबत पे उपासणा करी अने तम को हो की यरुसलेमइज वा जगा जां मनखहुंण के उपासणा करनी हे।

२१ईसु उकासे बोल्थो - हे नारी म्हारो बिसास कर के उ बखत अई र्यो हे जदे तम नी तो इना परबत पे अने नी यरुसलेम मायज पिता की उपासणा करोगा। ^{२२}तम उकी उपासणा करो हो जेके नी जाणो हम उकी उपासणा करां, जेके हम जाणां क्योके उध्दार यहूदिहुंण माय सेज हे। ^{२३}पण उ बखत अई र्यो हे याने अई ग्यो जदे सांचा उपासक पिता की उपासणा आतमा अने सच्चई से करेगा क्योके परमेसर पिता असाज उपासक के चावे हे। ^{२४}परमेसर आतमा हे अने जरूरी हे के उका उपासक आतमा अने सच्चई से उकी उपासणा करे।

२५बइरा उकासे बोली हूं जाणूं के मसीह जो ख्रीष्ट केवायगा आणे वाळो हे। जदे उ आयगा तो हमारे सगळो कई बताडी देगा।

२६ईसु उकासे बोल्थो, "हूं जो थार से बोली र्यो हूं उज हूं।"

२७इतरा माय उका चेलाहुंण अई गया अने उके एक बइरा से बात करता देखी

^४ ४.९ सामरी; यो नाम सामरिया का रेवा वाळाहुंण सरु काम माय ले जो यहूदिहुंण से छोटी जात का हे, यां तक के सामरिहुंण का हात से पाणी बी नी पे, इणकी रीति-रिवाज, अराधना-उपासणा सरु इणको बिचार यहूदिहुंण से मेळ नी खाय हे। / ^५ ४.११ म्हाराज; परभु।

के अचरज माय पड़ी गया। फेर बी कइंका ने यो नी पुछ्यो तू कंई चावे या इनी बइरा से कायबले बात करी र्यो हे।

२८ उनी बइरा ने अपणा गागर्या के वांज धर्यो अने नगर माय जई के लोगहुंण से बोली, २९ "आव रे, म्हने एक मनख देख्यो जेने उ सगळो जो म्हने कर्यो बतई द्यो। कंई योज तो मसीह ह्यनी। ३० वी नगर से हिटी के उका कने जावा लाग्या।

३१ उना बखत उका चेलाहुंण ने उकासे अरज करी हे गरु थोड़ोक खई ले

३२ पण ईसु उणकासे बोल्यो, "म्हारा कने खावा सरु असो भोजन हे जेका बारामें तम नी जाणो हो।"

३३ चेलाहुंण माय-माय केवा लाग्या, "कंई कंई को उका सरु जिमवा को तो नी ल्यायो?"

३४ ईसु उणकासे बोल्यो, "म्हारो जिमणो यो हे के अपणा मोकलवा वाळा की मरजी पूरण करूं अने उको काम पूरण करूं। ३५ कंई तम यूं नी बोलो अबे फसल काटवा का चार मइना बाकी हे? देखो हूं तमार से कूं अपणी आंख उठई ने खेतहुंण पे नगे लाखो की वी काटवा बले पाकी चुक्या हे। ३६ काटवा वाळा के अबे दाढकी मिळी री हे अने उ अजर-अमर जीवन बले फळ भेळा करी र्यो हे के बोवा वाळा अने काटवा वाळा दोई मिळी के खुसी मनई सके। ३७ क्योंकि यां यो केवाडो सांचो होय के एक मनख बोय अने दूसरो काटे। ३८ म्हने तमारे उनी

फसल के काटवा मोकल्या जेका माय तमने म्हेनत नी करी दूसरा ने म्हेनत करी हे अने तम उणकी म्हेनत का फळ माय सामिल होया हो।

३९ उना नगर का नरा सामरिहुंण ने ईसु पे बिसास कर्यो, क्योंकि उनी बइरा ने यूं बोली के गवई दई, म्हने जो कर्यो उ सगळो उने म्हारे बतई द्यो। ४० जदे सामरिहुंण ने अई के उकासे अरज करी के उ उणका गेले रे तो उ दो दन उणका गेले र्यो।

४१ अने उका बचन का असर से हजु नरा दूसरा लोगहुंण ने बी उका पे बिसास कर्यो। ४२ जदे वी उनी बइरा से केवा लाग्या अबे हम थारा केणा पेज बिसास नी करां पण इकासरु के हमने खुदज सुणी ल्यो हे अबे हम जाणी गया हे के योज सांचो जग को तारणहार हे।"

राज करमचारी का बेटा के नज करनौं

४३ उना दो दन का बाद उ वां से हिटी के गलील परदेस चलयो ग्यो। ४४ ईसु ने खुद गवई दई के नबी अपणाज देस माय मान नी पाय। ४५ जदे उ गलील पोंच्यो तो गलीलिहुंण ने उकी आव-भगत करी। वी तो उना सगळा काम के देखी चुक्या था जो उने परब का दन यरुसलेम माय कर्या था, क्योंकि वी खुद वां परब माय गया था।

४६ जदे उ पाछो गलील का काना नगर माय आयो जां उने पाणी के दाखरस बणई लाख्यो थो। वां एक

* ४.४४: मती १३.५७; मरकुस ६.४; लूका ४.२४

* ४.४५: योहान २.२३

* ४.४६: योहान २.१-११

राजदरबारी थो जेको बेटो कफरनहूम माय बेमार पड़्यो थो। ४७जदे उने सुण्यो की ईसु यहूदिया से गलील माय आयो होयो हे। तो उ उका कने ग्यो, अने उकासे अरज करवा लाग्यो के चली के म्हारा बेटा के नज करी दे - इकासरु के उ मरवा पे थो। ४८ईसु ने इका पे उकासे क्यो, "जदत्तक तम सेलाणी अने चमत्कार माय अणहोणी नी देखोगा तदत्तक बिसास नी करोगा।"

४९राजदरबारी उकासे बोल्यो, "म्हाराज म्हारा बेटा का मरवा से पेलां चल।"

५०ईसु उकासे बोल्यो, "जा; थारो बेटो जिन्दो हे।"

उना मनख ने ईसु का बचन पे बिसास कर्यो अने चल्यो ग्यो। ५१जदे उ बाट मेंज थो तो उको सेवक उकासे मिळ्यो अने केवा लाग्यो "थारो बेटो जिन्दो हे।"

५२उने उकासे पुछ्यो, "उ कां का बखत से नज होवा लाग्यो थो?" उणने बताइयो, "काल दन का एक बज्या उको ताव उतरी ग्यो।" ५३तो बाप समजी ग्यो के यो उणाज बखत होयो जदे ईसु बोल्यो थो, "थारो बेटो जिन्दो हे।" अने खुद उने अने उका आखा परवार ने बिसास कर्यो।

५४यो दूसरो चमत्कार थो जेके ईसु ने यहूदिया से अई के ने गलील माय दिखाइयो थो।

अइतीस बरस का बेमार के नज करनौ

इनी बातहुण का बाद ईसु यहूदिहुण का एक तेवार माय यरुसलेम नगर

ग्यो। १यरुसलेम नगर माय गाडर नाम का फाटक कने एक कुण्ड हे। जेके इबराणी भासा माय बेतसेदा^m केवे जेका पांच ओसारा हे। ३इणका माय असा घणा लोगहुण पड़्या था जो बेमार, आंदा, पांगळा, अने सुक्या अंग वाळा था। ४ई पाणी के हलवा की ताक माय था इकासरु के परभु को एक सरगदूत एक खास बखत माय कुण्ड माय उतरी के पाणी के हलाइतो थो। पाणी का हलताज जो बी पेलां उका माय उतरी जातो थो, उ कसोज रोगी क्यो नी रे, नज हुई जातो थो। ५वां एक मनख थो जो अइतीस बरस से बेमार थो। ६जदे ईसु ने उके वां पड़्यो देख्यो अने जाण्यो के उ वां उनी दसा माय घणा दन से पड़्यो हे तो उने उकासे पुछ्यो "कई तू नज होणो चावे?"

७बेमार ने उके जुवाब द्यो, "म्हाराज म्हारा कने कई को मनख हयनी जो म्हारे पाणी के हलताज कुण्ड माय उतारे। जदे हूं उतरवा लागुं तो म्हार से पेलां दूसरो उतरी जावे हे।

८ईसु उकासे बोल्यो उठ्या! अपणो बिछावणो उठाइ ने चल्यो-फर।" ९उ मनख झट नज हुई ग्यो अने अपणो बिछावणो उठाड़ी के चलवा लाग्यो। अने उ सबत् को दन थो।

१०⁺ यहूदिहुण ने उके जो नज हुई ग्यो थो बोल्या "आज सबत् हे तो बिछावणो उठाइणो थारा बले ठीक हयनी।"

^m ५.२ बेतसेदा; कई लेखनहुण माय बेतेस्ता।

⁺ ५.१०: नेहेम्या १३.१९; यरमियाह १७.२१

११पण उने उणके जुवाब द्यो, "जेने म्हारे नज कर्यो उनेज म्हार से क्यो, 'अपणो बिछावणो उठई ने चल्थो-फर।'

१२उणने उकासे पुछ्यो, "उ कुंण मनख हे जो थार से बोल्यो, 'अपणो बिछावणो उठई ने चल्थो-फर?'

१३पण जो नज हुई ग्यो थो नी जाणतो थो की ईसु कुंण हे क्योके वां भीड़ होवा की वजासे ईसु उनी जगा से गुप-चुप चल्थो ग्यो थो।

१४इका बाद ईसु ने उके मन्दर माय देखी के उकासे बोल्यो, "देख तू नज हुई ग्यो हे। पाछो कदी पाप मती करजे असो नी होय के इका से बी बड़ी कइंकी आफत थार पे अई पड़े।"

१५उना जणा ने अई के यहूदिहंण के बताइयो के उ ईसु थो जेने म्हारे नज कर्यो थो। १६इकासरु यहूदिहंण ईसु के सताइवा लाग्या। क्योके उ इना कामहंण के सबत् का दन करतो थो। १७पण उने उणके जुवाब द्या, "म्हारो पिता अबी तक काम कर हे। अने हूं खुद बी काम करूं।"

१८इनी बात पे यहूदी उके मारी लाखवा की हजु बी ज्यादा फिराक माय रेवा लाग्या। क्योके उ नी सिरप सबत् का दन को नेम तोड़ी र्यो थो, पण परमेसर के अपणो पिता कई के अपने आप के परमेसर का बराबरी को ठेरई र्यो थो।

ईसु को हक

50

१९इका कारण ईसु जुवाब देतो होयो उणकासे बोल्यो, "हूं तमार से सांची-सांची कूं के बेटो खुद कइंनी करी सके। सिरप

उज जो पिता के करतो देखे क्योके जो कई पिता करे उणाज काम के बेटो बी ठीक वसीज रीति से करे २०क्योके पिता बेटा से परेम करे, अने उना सगळा काम के उके दिखाइ जेणके उ खुद करे, अने उ इणका से बी नरा मोटा कामहंण उकासे दिखाइगा, जेकासे की तम अचरज करो। २१क्योके जसे पिता मुरदाहंण के जियाइ अने उणके जीवन दे, असोज बेटो बी जेके चावे जीवन दे हे, २२क्योके पिता बी कइंका को न्याव नी करे पण उने न्याव करवा को सगळो काम बेटा का हात माय करी लाख्यो हे। २३के सगळा मनख, बेटा को वेसोज मान करे जसा पिता को मान करे, जो बेटा को मान नी करे उ पिता को बी मान नी करे जेने उके मोकल्यो।

२४हूं तमार से सांची-सांची कूं जो म्हारा बचन सुणी के म्हारा मोकलने वाळा पे बिसास करे अजर-अमर जीवन उको हे। अने उका पे दण्ड को हुकम हयनी पण मोत से पार हुई के उ जीवन माय जई चुक्यो हे। २५हूं तमार से सांची-सांची कूं उ बखत अई र्यो हे अने अबी हे जदे की मर्या मनख परमेसर का बेटा की बाणी सुणेगा अने जो सुणेगा उ जिवेगा। २६क्योके जसे पिता खुद माय जीवन राखे वेसोज उने बेटा के बी खुद माय जीवन राखवा को हक द्यो हे। २७अने उने उके न्याव करवा को हक बी द्यो हे क्योके उ - मनख को बेटो हे।" २८इका पे अचरज मती करो क्योके बखत अई र्यो हे की वी सगळा जो कबर माय हे उकी अवाज सुणी के हिट्यायगा २९जिणने भला करम कर्या

पाछा जिवता हुई जायगा अने जिणने बुरा करम कर्या पाछा जिवता होवा पे सजा पायगा।

ईसु का बारामें छे: गवई

३० "हूं खुद अपना हक आडी से कइनी करी सकूं जसो सुणुं असो न्याव करूं अने म्हारो न्याव सांचो हे क्योंकि हूं अपनी मरजी से नी पण अपना मोकलवा वाळा की मरजी से करूं।

३१ "अगर हूं सिरप अपनी गवई दउं तो म्हारी गवई सांची हयनी। ३२ पण म्हारा बारामें गवई देवा वाळो एक हजु हे अने हूं जाणूं के जो गवई म्हारा बारामें उ दे, वा सांची हे। ३३ तमने योहन से पुछवाइयो उने सच्चई की गवई दई। ३४ पण हूं खुद का बारामें मनखहुंण की गवई नी चउं पण ई बातहुंण हूं इकासर कूं के तमारो उध्दार होय। ३५ उ तो जळतो अने चळकतो दीयो थो अने तमारे उका उजाळा माय थोड़ाक बखत तक खुसी माननो अच्छो लाग्यो ३६ पण जो गवई म्हारी हे, वा योहन की गवई से बड़ी के हे। क्योंकि पिता ने जेना काम के पूरो करवा बले म्हारे द्यो याने वी काम जो हूं करूं वीज, म्हारा बारामें गवई दे हे, के पिता ने म्हारे मोकल्यो हे। ३७ अने पिता जेने म्हारे मोकल्यो, उने म्हारा बारामें गवई दई, तमने नी तो कदी उको सबद सुण्यो अने नी उको रुप देख्यो। ३८ अने उका बचन तमार माय बण्या नी र्या। क्योंकि जेके उने मोकल्यो, तम

उको बिसास नी करो। ३९ तम पवित्तर धरम सासतर^० माय ढुंडी र्या हो क्योंकि तम बिचार करो के उका माय अजर-अमर जीवन मिळे हे अने ई वीज हे जो म्हारा बारामें गवई दे हे। ४० अने फेर बी तम जीवन पावा सरु म्हारा कने आपो नी चाव।

४१ "हूं मनखहुंण से बड़ई नी चउं। ४२ पण हूं तमारे जाणूं के तमार माय परमेसर को परेम हयनी। ४३ हूं अपना पिता का नाम से आयो हूं अने तम म्हारी मानी नी र्या हो पण कई को हजु अपनाज नाम से आय तो तम उके मानी लोग। ४४ तम कसे बिसास करी सकता, जदके तम खुदज एक दूसरा से मान चावो। अने जो मान अदवेत परमेसर आडी से हे पाणोज नी चावो। ४५ यो मती बिचारो के पिता परमेसर का सामे तमारे कसुरवार ठेरउं। तमारे कसुरवार ठेराइणे वाळो तो मूसा,^० जेका पे तमने बिसास कर्यो, ४६ क्योंकि अगर तम मूसा पे बिसास करता तो म्हार पे बी बिसास करता इकासर के मूसा ने म्हारा बारामें लिख्यो हे। ४७ पण अगर तम उका लिख्या होया पे बिसास नी करो तो म्हारा बचन पे कसे बिसास करोगा?"

पांच हज्जार के जिमाइणो

(मती १४:१३-२१; मरकुस ६:३०-

४४; लूका ९:१०-१७)

ईनी बातहुंण का बाद ईसु, गलील का **६** सरवर यानी तिबिरियास सरवर का

^० ५.३९ पवित्तर धरम सासतर; यहूदिहुंण को पुराणो नेम। नबी।

^१ ५.३३: योहन १.१९-२७, ३.२७-३०


^२ ५.३७: मती ३.१७; मरकुस १.११; लूका ३.२२

^० ५.४५ मूसा; इसराइल जात को पुराणो

उना पार चलयो ग्यो ^२अने एक बड़ीमेक भीड़ उका पछड़े चली री थी, क्योंकि लोगहुंण उका अचरज भर्या काम के देखता था जो उ बेमारहुंण पे करतो थो ^३ईसु परबत पे चड़िके अपणा चेलाहुंण का साते बेठी ग्यो। ^४यहूदिहुंण को फसह को तेवार कने थो ^५जदे ईसु ने नगे उठाडी तो बड़ीमेक भीड़ के अपणा आडी आता देखी, तो फिलिप्पुस से पुछ्यो, "इणके जिमवा सरु रोटा कां से मोल लांवां? ^६ईसु उके परखवा सरु कई र्यो थो। क्योंकि उ खुद जाणतो थो के उके कई करनों हे।

^७फिलिप्पुस ने उके जुवाब द्यो दो सो दिनार^p का रोटा से बी पूरो नी पड़ेगा के सगळा के थोड़ो-थोड़ी दई दां।

^८उका चेलाहुंण माय से एक याने के सिमोन पतरस को भई अन्दिऱ्यास ने उके बताइयो, ^९यां एक छोरो हे जेका कने जऊ का पांच रोटा अने दो मच्छी हे पण इतरा लोगहुंण माय इतरा से कई होयगा?"



पांच रोटा अने दो मच्छी^p (JHN ६.९)

^{१०}ईसु बोल्यो मनखहुंण के बेठाडी दो, "उनी जगा पे गंज घांस थी। इकासरु

मनखहुंण जो गिणती माय करीब पांच हज्जार था, बेठी गया। ^{११}जदे ईसु ने रोटा लई अने धन्यवाद करी ने उणके जो बेठ्या था बांटी लाख्या, असोज उने मच्छीहुंण के बी जिणके जितरी चावे बांटी लाखी। ^{१२}जदे लोगहुंण धापी गया तो ईसु अपणा चेलाहुंण से बोल्यो, "बच्या होया कोळ्याहुंण के भेळा करी लो के कई बी खराब नी होय। ^{१३}तो उणने उणके भेळा कर्या अने जऊ का पांच रोटा का कोळ्याहुंण से, जो जिमवा वाळाहुंण से बच्या था बारा टोपलाहुंण भर्या उठाइया।

^{१४}जदे मनखहुंण ने उना अचरज के जेके ईसु ने कर्यो थो देख्यो तो केवा लाग्या, "सांची यो उज नबी^q हे जो जग माय आवा वाळा थो। ^{१५}तो ईसु यो जाणी के के वी म्हारे जबरजस्ती राजो बणाणे सरु लई जाणो चाव हे, पाछो एखलो टेकरा पे चलयो ग्यो।

पाणी का अदरे चलनो

(मती १४:२२-३३; मरकुस ६:४५-५२)

^{१६}जदे सांज पड़ी तो उका चेलाहुंण सरवर का कराड़े गया। ^{१७}अने नाव पे चड़वा का बाद वी कफरनहूम नगर जावा सरु सरवर पार करवा लाग्या। इन्दारो हुई ग्यो थो अने ईसु अभी तक उणका कने नी आयो थो। ^{१८}जोर से अन्दी-दंदवाळ चलवा से सरवर माय लेरहुंण पछाडा खावा लागी। ^{१९}जदे चेलाहुंण दो तीन कोस^r तक खेता-खेता चल्या गया

^p ६.७ दिनार; कई लेखनहुंण माय, चांदी को सिक्को; यूनानी माय; एक दिनार। चांदी को एक सिक्को एक दन की मजुरी थी (देखो मती २०:२)। ^q ६.१४ नबी; देखो १:२१। ^r ६.१९ तीन कोस; या ५ या ६ किलो मीटर।



नाव सरवर की लेर माय (JHN ६.१८)

तो उणने ईसु के सरवर का पाणी पे चलतो अने नाव का कने आतो देख्यो अने वी डरी गया। २०पण उ उणकासे बोल्यो, "डरजो मती हूं हे। २१वी ईसु के नाव पे लेवा सरु तय्यार होया ने नाव झट उनी जगा गयी, जां वी जई र्या था।

लोगहुंण के ईसु की जरुवत

२२दूसरा दन भीड़ के जो सरवर का उना पार रइगी थी यो पतो चल्यो के सिरप एक छोटी सी नाव वां थी अने यो बी के ईसु चेलाहुंण का गेले नाव पे नी चड्यो थो, पण सिरप चेलाहुंणज उना पार चल्या गया। २३तो तिबिरियास से उनी जगा का कने दूसरी नानी नावहुंण अई, जां उणने परभु के धन्यबाद देवा का बाद रोटा जिम्या था। २४जदे भीड़ ने देख्यो के नी तो वां ईसु हे नीज उका चेलाहुंण तो वी खुदी नानी-नानी नांवहुंण पे चडिके ईसु के दुंडता होया कफरनहूम नगर पौंच्या।

ईसु जीवन को रोटी हे

२५उणने जदे उके सरवर का पेलां पार पायो तो उकासे बोल्या, "गरु तू यां कदे आयो?"

२६जुवाब माय ईसु उणकासे बोल्यो, "हूं तमार से सांची कूं तम म्हारे इकासरु नी दुंडी र्या के तमने चमत्कार देख्या। पण इकासरु के तमने रोटा जिम्या अने धाप्या हो।" २७उना भोजन सरु मती म्हेनत करो जो नास हुई जावे पण उना भोजन सरु जो अजर-अमर जीवन तक बण्यो रे, जेके, "हूं मनख को बेटो तमारे दूवां क्यौंके पिता याने की परमेसर ने म्हारपेज अपणी छाप लगाडी हे।

२८इकासरु उणने उकासे पुछ्यो, "परमेसर को काम करवा सरु हम कई करां?"

२९ईसु ने उणके जुवाब द्यो परमेसर को काम यो हे के जेके उने मोकल्यो हे तम उका पे बिसास राखो।

३०तो उणने उकासे पुछ्यो, "पाछो तू कां को चमत्कार बताड़े के हम देखां अने थार पे बिसास करां?" तू कां को काम करे ३१+ हमारा बाप-दादाहुंण ने मांळ माय सरग का रोटा खाया (मन्नो) जसो लिख्यो "उने उणके जिमवा सरु सरग से रोटा बरसाया।"

३२तो उ उणकासे बोल्यो, "हूं तमार से सांची कूं, मूसा ने तमारे उ रोटी सरग से नी द्यो, पण म्हारो पिताज हे जो सरग से तमारे सांचो रोटी दे हे। ३३क्यौंके

परमेसर को रोटो उ जो सरग से उतर्यो अने जग के जीवन दे हे।"

३४तो वी उकासे बोल्यो, "परभु यो रोटो हमारे हमेस्याज दयाकर।"

३५ईसु उणकासे बोल्यो, "हूंज जीवन को रोटो हूं जो म्हारा कने आवे उ कदी भूको नी रेगा अने उ जो म्हार पे बिसास करे उ कदी तिरस्यो नी रेगा। ३६पण हूं तमार से पेलांज बोल्यो थो के तमने म्हारे देखी बी ल्यो पण फेर बी म्हार पे बिसास नी राखोगा। ३७उ सगळो जो पिता म्हारे दे म्हारा कने आयगा, अने जो म्हारा कने आयगा हूं उके कदी जावा नी दूवां। ३८क्योंके हूं अपणी मरजी से नी, पण अपणा मोकलवा वाळा की मरजी पूरण करवा सरु सरग से उतर्यो हूं। ३९जेने म्हारे मोकल्यो उकी मरजी या की सगळो कंई जो उने म्हारे द्यो उका माय से थोडोक बी नी खोउं पण अंत का दन माय उके जिवाडुंवां। ४०क्योंके म्हारा पिता की मरजी या हे के हरेक जो म्हारे याने बेटा के देखे अने म्हार पे बिसास करे उ अजर-अमर जीवन पाय, अने हूं खुद अंत का दन माय उके जीवाडी दूवां।"

४१तो यहूदिहंण उका पे बड़बड़ावा लाग्या, "जदे उ बोल्यो की उ रोटो जो सरग से उतर्यो हूंज हूं।" ४२अने वी केवा लाग्या, "कंई यो यूसफ को बेटो ईसु हयनी, जेका मां-बाप के हम जाणा? अने उ कसे बोली र्यो, की हूं सरग से उतर्यो हूं?"

४३ईसु ने उणके जुवाब द्यो "माय-माय मती बड़बड़ाव। ४४म्हारा कने कई

को नी अई सके जदतक पिता जेने म्हारे मोकल्यो उके अपणा कने लई नी ले अने हूं उके अंत का दन माय जिवाडुंवां। ४५नबिहंण का लेखहंण माय यो लिख्यो हे, 'अने वी सगळा परमेसर आड़ी से सिखाया होया रेगा।' हरेक जेने पिता से सुण्यो अने सीख्यो उ म्हारा कने आय हे। ४६यो हयनी के कइंका ने पिता के देख्यो, 'पण जो परमेसर आड़ी से हे सिरप उनेज पिता के देख्यो। ४७हूं तमार से सांची कूं जो बिसास राखे अजर-अमर जीवन उकोज हे। ४८हूंज जीवन को रोटो हूं। ४९तमारा बाप-दादाहंण ने मांळ माय सरग को रोटो (मन्नो) खायो, अने वी तो मरी गया। ५०हूंज उ रोटो हूं जो सरग से उतर्यो हूं जो बी उका माय से खाय उ अजर-अमर हुई जायगा। ५१जीवतो रोटो जो सरग से आयो, हूंज हूं। जो बी इना रेटा माय से खाय उ हमेस्या जिवेगा, अने जो रोटो हूं जग का जीवन सरु दूवां वा म्हारी काया हे।"

५२इका पे यहूदिहंण माय-माय या बोली के बिवाद माय पड़ी गया, "यो मनख हमारे अपणी काया खावा सरु कसे दई सके?"

५३ईसु उणकासे बोल्यो, "हूं तमार से सांची कूं, जदतक तम हूं मनख का बेटा को मांस नी खाव अने म्हारो लोई नी प्यो तमार माय जीवन हयनी। ५४जो म्हारो मांस खाय अने म्हारो लोई पीवे अजर-अमर जीवन उकोज हे अने अंत का दन माय हूं उके जीवाडी लाखुंवां। ५५म्हारो मांस तो सांचो भोजन अने

म्हारो लोई सांची पीवा की चीज हे।^{५६}जो म्हारो मांस खावे अने म्हारो लोई पीवे उ म्हारा माय बण्यो रे अने हूं उका माय।^{५७}जसो जीवता पिता ने म्हारे मोकल्यो, अने हूं पिता से जीवी र्यो हूं असोज वी जो म्हारे खावे म्हारा सरु जीवता रेगा।^{५८}योज उ रोटो जो सरग से आयो, वसो हयनी जेके बाप-दादाहुंण ने खायो अने मरी गया। इना रोटा के जो खाय उ हमेस्या तक मरेगा हयनी।"

^{५९}उने ई बातहुंण पराथनाघर माय उना बखत करी जदे उ कफरनहूम नगर माय परबचन कई र्यो थो।

हमेस्या का जीवन सरु बचन

^{६०}तो उका चेलाहुंण माय से नरा ने जदे यो सुण्यो तो बोल्यो, "या तो मुसकिल बात हे इके कुंण सुणी सके।"

^{६१}पण ईसु ने यो जाणी के की उका चेलाहुंण इनी बात पे बड़बड़ई र्या था उणकासे बोल्यो, "कई तमारे इनी बात से ठोकर लागे?"^{६२}अगर तम हूं मनख का बेटा के सरग जाता देखो जां हूं पेलां थो, तो कई करोगा?"^{६३}आतमाज हे जो जीवन दे हे काया से कई नफो हयनी, जो बात म्हने तमारे बतई वी आतमा अने जीवन हे।^{६४}पण तमारा माय थोड़ाक हे जो बिसास नी राखे।" क्योंकि ईसु तो पेलांसेज जाणे हे के बिसास नी करवा वाळा कुंण हे, अने उ कुंण हे जो उके पकड़ायगा,^{६५}अने उ बोल्यो, "म्हने तमारे इकासर बताइयो के कई को म्हारा

कने नी अई सके, जदतक के पिता उके म्हारा कने आवा की इजाजत नी दे।"

^{६६}इकासर उका चेलाहुंण माय से नरा पाछा चल्या गया अने फेर उका कने नी आया ^{६७}जदे ईसु उना बाराहुंण से बोल्यो, "कई तम बी चल्या जाणो चाव?"

^{६८}सिमोन पतरस उकासे बोल्यो, "परभु, हम केका कने जावां? अजर-अमर जीवन की बातहुंण तो थारा कने हे।^{६९}हमने बिसास कर्यो अने जाणी गया के परमेसर को पवित्तर मनख तूज हे।"

^{७०}ईसु ने उणके जुवाब द्यो, "कई म्हने खुदज तम बारा चेलाहुंण के नी छांट्या? पण फेर बी तमारा माय एक सेतान हे।" ^{७१}उको मतलब सिमोन इस्कुरियोती का बेटा यहूदा से थो, क्योंकि उना बाराहुंण माय से उज एक थो जो उके पकड़वाणे वाळो थो।

झोपड़िहुंण को तेवार माय ईसु

इनी बातहुंण का बाद ईसु गलील ^{७२}इलाका माय धुमतो-फरतो र्यो। उ यहूदिया इलाका माय नी जाणो चातो थो क्योंकि यहूदिहुंण का अगवाहुंण उके मारवा की ताक माय था।^२ यहूदिहुंण को तेवार याने के झोपड़िहुंण को परब कने थो।^३तो उका भईहुंण उकासे बोल्यो, "यां से हिटी के यहूदिया का इलाका माय चल्यो जा, के थारा चेलाहुंण बी उना काम के देखी सके जिणके तू करे।^४क्योंके असो कई को हयनी जो नामी

^१ ६.६८-६९: मती १६.१६; मरकुस ८.२९; लूका ९.२०

^२ ७.२: लेव्यव्यवस्था २३.३४; नेम-बिधान १६.१३

होणो चावे अने छिपी के काम करे। तू इना कामहुंण के करी र्यो हे, इकासरु अपने खुद के जग पे परगट।" ५क्योंके उका भईहुंणिज उका पे बिसास नी राखता था।

६तो ईसु उणकासे बोल्यो, "म्हारो बखत अबी तक आयो हयनी पण तमारा सरु बखत अच्छो हे। ७जगः तमार से घिरणा नी करी सके पण म्हार से करे, क्योंके हूं इनी बात की गवई दउं के उणका काम बुरा हे। ८तम खुदज परब माय जाव। हूं इना परब माय अबी नी जउं, क्योंके म्हारो बखत अबी तक पूरण तरा से नी आयो।" ९उणकासे ई बात करवा का बाद उ गलील का इलाका माय रुकी गयो।

ईसु परब माय

१०पण जदे उका भईहुंण परब माय चल्या गया तो उ खुद बी गयो, सगळा का सामे नी पण गुप-चुप गयो, ११क्योंके यहूदी हाकिमहुंण उके परब माय हुंडी र्या था अने कई र्या था, "उ कां हे?"

१२अने भीड़ उका बारामें बड़बड़ावा लागी। कई-कईका कई र्या था, "उ भलो मनख हे।" दूसरा कई र्या था, "नी, उ लोगहुंण के भरमावे हे।" १३फेर बी यहूदी हाकिमहुंण का डर का मारे कईका उका बारामें खुली के नी बोली र्या था।

१४पण जदे आदो परब बिती गयो तो ईसु मन्दर माय अई गयो अने परबचन

देवा लाग्यो। १५इकासरु यहूदिहुंण चकरई ने केवा लाग्या, "यो मनख बिना भण्यो लिख्यो हुई के कसे ज्ञान की बाणी बोले हे?"

१६तो ईसु ने उणके जुवाब द्यो, "यो परबचन म्हारो हयनी पण परमेसर को हे जेने म्हारे मोकल्यो। १७अगर कई को मनख उकी मरजी पूरण करवा सरु तय्यार हे तो उ इनी सीख का बारामें जाणी जायगा के या परमेसर आडी से हे के हूं अपणा आडी से कूं। १८जो अपणा आडी से के, उ अपणी बड़ई चावे, पण जो अपणा मोकलवा वाळा की बड़ई चावे उज सांचो हे अने उका माय अधरम हयनी। १९कई मूसा ने तमारे नेम-बिधान नी द्यो? अने फेर बी तम कईका नेम को पाळण नी करो। तम कायसरु म्हारे मारवा की ताक माय रो हो?"

२०भीड़ ने जुवाब द्यो, "थारा माय बुरी आतमा रे हे। कुंण थारे मारवा की ताक माय रे?"

२१ईसु जुवाब देतो होयो बोल्यो, "म्हने सबत् का दन माय एक काम कर्यो अने तम सगळा चकरई र्या हो। २२+ पण इकाज सरु मूसा ने तमारे खतणा को नेम-बिधान द्यो। (इकासरु नी के उ मूसा को हे पण बाप-दादाहुंण का अई से।) अने तम सबत् का दन मनख को खतणो करो हो। २३+ अगर सबत् का दन मनख को खतणो कर्यो जाय जदे मूसा को नेम-बिधान को उलांगो नी होय। तम

५ ७.७ जगः या जगत, संसार, दुनिया जो इना जग माय रे हे अने बुरी आतमाहुंण की ताकत लोगहुंण का जीवन के अपणा बस माय करी लाखे हे (योहान १२:३१)। ६ ७.८ म्हारो बखत ... नी आयो;

ईसु मसीह परमेसर पिता का हुकम की बाट जोई र्या, नी के उका भईहुंण की सला की।

७ ७.२२: उत्पत्ती १७.१०; लेव्यव्यवस्था १२.३ ८ ७.२३: योहान ५.९

फेर बी म्हार से रीस राखो के सबत् का दन म्हने एक मनख के नज करी लाख्यो थो। २४ मुन्डो देख्यो न्याव मती करो पण धरम से न्याव करो।"

कई ईसुज मसीह^४ हे?

२५तो यरुसलेम का थोडाक लोगहुंण केवा लाग्या, "कई यो उज तो हयनी जेके यहूदी हाकिमहुंण मारी लाखणे की कोसिस करी र्या हे? २६पण देखो, उ तो खुला-आम बात करी र्यो अने वी ईसु का बिरोद माय कइंनी कई र्या हे। कई हाकिमहुंण के तो पतो नी चली ग्यो के योज मसीह हे? २७फेर बी हम जाणा हे के यो मनख कां को हे,^५ पण जदे मसीह आयगा तो कई को बी नी जाणी सकेगा के उ कां को हे।"

२८तो ईसु मन्दर माय परबचन देता बखत उंची अवाज माय बोल्यो, "तम सौंची र्या हो के म्हारे जाणो हो अने यो बी जाणो हो के हूं कां से आयो। हूं खुद अपणा आड़ी से नी आयो पण जेने म्हारे मोकल्यो उ सांचो हे। जेके तम नी जाणो, २९पण हूं उके जाणूं, क्योंकि हूं उका आड़ी से हूं अने उने म्हारे मोकल्यो।"

३०तो वी उके पकड़वा की कोसिस करवा लाग्या फेर बी कइंका ने उके हात नी लगाइयो क्योंकि उकी मोत को बखत अबी नी आयो थो। ३१पण भीड़ माय से

घणा मनखहुंण ने उका पे बिसास कर्यो अने केवा लाग्या, "जदे मसीह आयगा तो कई उ इना मनख से जादा चमत्कार दिखाड़ेगा?"^६

ईसु के पकड़वा सरु सिपईहुंण के मोकल्या

३२फरीसिहुंण ने भीड़ के उका बारामें काना फूसी करता सुण्या, अने म्हापुरोहितहुंण अने फरीसिहुंण ने उके पकड़वा सरु सिपईहुंण के मोकल्या। ३३तो ईसु बोल्यो, "हूं जरा देर तक तमारा गेले हजु हूं। तो हूं उका कने जउं जेने म्हारे मोकल्यो। ३४तम म्हारे दुंडोगा पण पावगा हयनी अने जां हूं हे, वां तम अई नी सको।"

३५तो यहूदी हाकिमहुंण माय-माय केवा लाग्या, "यो मनख कां जाणो चावे के हम उके नी पावांगा? कई उ उणका कने जाणो चावे जो यहूदी लोग यूनानिहुंण माय तित्तर-बित्तर हुई ने रई र्या हे। अने कई यूनानिहुंण के बी ज्ञान सीखाड़ेगा? ३६या कसी बात हे जो उने करी, 'तम म्हारे दुंडोगा अने नी पावगा,' अने 'जां हूं हे, वां नी अई सको?'"

पवितर आतमा का बारामें

३७^७ परब का आखरी दन जो खास दन थो, ईसु उबो होयो अने उंची अवाज

^४ ७.२५-३१ मसीह; इबराणी भासा माय मसीह या मसायाह। परमेसर ने मनख जात पे ईसु के परभु अने उध्दार करवा वाळो बनायो। ^५ ७.२७ हम जाणा हे के यो मनख कां को हे; वी जाणता था के ईसु नासरत को थो तो उणको केणो थो के यो मसीह हयनी। ^६ ७.३१ चमत्कार दिखाड़ेगा; लोगहुंण को बिसास थो की मसीह चमत्कार दिखाड़ेगा। ईसु मसीह ने चमत्कार दिखाइया, तो योज मसीह हे।

^७ ७.३७: लेख्यवस्था २३.३६

माय बोल्यो, "अगर कई को जीवन का पाणी को तिरस्यो होय तो म्हारा कने आवे अने पीवे। ३८+ जो म्हार पे बिसास राखे, जसो के पवितर सासत्तर माय लिख्यो हे, 'उणका हिरदा माय से जीवन जळ की नदिहुंण बड़ हिटेगा।' ३९ईसु ने यो पवितर आतमा का बारामें क्यो थो जो उका पे बिसास करे वी पाणे वाळा था। इकासरु के पवितर आतमा अबी तक नी द्यो थो, क्योके ईसु अबी तक म्हेमा माय नी आयो थो।*

भीड़ माय फूट

४०+ जदे भीड़ माय से कइंका ने इना बचनहुंण के सुण्या तो बोल्यो, "निश्चित उ नबी^१ हे जो मसीह से पेलां आयगा।"

४१थोडाक मनखहुंण केवा लाग्या, "योज मसीह हे।"

फेर दूसरा मनखहुंण बी केवा लाग्या, "मसीह गलील इलाका से नी अई सकेगा! ४२+ क्योके कई पवितर सासत्तर माय योज नी लिख्यो, के मसीह दाऊद का बंस अने बेतलहम गांम से आयगा जां दाऊद रेतो थो?" ४३इकासरु भीड़ माय ईसु का बारामें फूट पड़ी गी। ४४उणका माय से थोडाक जणा उके पकड़णो चई र्या था पण कइंका ने उके हात नी लगाइयो।

यहूदी हाकिमहुंण ने बिसास नी कर्यो

४५जदे सिपई पाछा म्हापुरोहितहुंण अने फरीसिहुंण कने आया, उणने उणकासे पुछ्यो "तम उके क्यो नी लाया?"

४६सिपईहुंण बोल्यो, "आज दन तक असी बातहुंण कइंका ने कदी नी कई जसी उ के हे।"

४७फरीसिहुंण ने जुवाब द्यो, "कई तम बी तो नी भरमई गया हो? ४८कई हाकिमहुंण या फरीसिहुंण माय से उका पे कइंका ने बिसास कर्यो हे? ४९पण या भीड़ जो नेम-बिधान नी जाणे, सापित हे। "

५०नीकुदेमुस ने जो पेलां ईसु कने आयो^२ थो उणका माय को एक थो उ बोल्यो, ५१"कई हमारा नेम-बिधान कइंका मनख के जदतक उकी सुणी नी लां अने या जाणी नी लां की उ कई करे हे दोषी ठेरांवां हे?"

५२उणने उके जुवाब द्यो, "कई तू बी गलील को हे? सासत्तर माय दुंड अने देखी ले गलील से कई को नबी नी परगटणे वाळो।"

[५३+ अने सगळा अपणा घरे चल्या गया,

* ७.३९ ईसु अबी तक म्हेमा माय नी आयो थो; योहान का सुब-समिचार का मुजब ईसु ने म्हेमा को नातो कुरुस पे दुःख उठाइणो अने मोत झेळणा के मान अने म्हानता के हे, जदेज सरग का नेम-बिधान से परमेसर ने ईसु के मर्या माय से जिवाइयो थो। ७.४० नबी; देखो १:२१।

२ ७.५३ जूला लेखहुंण की परतिहुंण माय योहान ७:५३-८:११ नी हे। कई लेखहुंण माय यो योहान २१:२४ का बाद आयो हे, अने कई माय यो लूका २१:३८ का बाद हे। एक लेखहुंण माय यो योहान ७:३६ का बाद आयो हे।

† ७.३८: यहजेकेल ४७.१; जकरियाह १४.८ † ७.४०: नेम-बिधान १८.१५,१८

† ७.४२: २ सेमुएल ७.१२; मीका ५.२ † ७.५०: योहान ३.१

व्योबिचार माय पकड़ई गी बइरा

पण ईसु जेतून परबत पे चल्थो ग्यो।
८ २सवेर माय से पाछो मन्दर माय आयो। सगळा मनख उका कने आवा लाग्या अने उ बेठिके उणके परबचन देवा लाग्यो। ३तो फरीसी अने सासतरिहुण एक बइरा के ल्याया जो व्योबिचार करता होया पकड़ई गी थी अने उके अदाइ माय उबाड़ी के। ४उणने ईसु से क्यो, "हे गरु, या बइरा व्योबिचार करता होया पकड़ई गी हे। ५+ नेम-बिधान माय मूसा ने हमारे असी बइरा सरु भाटा मारवा को नेम राख्यो हे।" इका बारामें थारो कई केणो पड़े?" ६वी उके जांचवा सरु असो कई र्या था के उका पे दोष लगावा को मोको^b मिळी सके।

पण ईसु नमिके अपनी अंगळी से जमीन पे लिखवा लाग्यो। ७पण जदे वी घडी-घडी पुछवा लाग्या तो ईसु सुदो उबी ने उण से बोल्यो, "तमार माय जो पापी हयनी उज सगळा से पेलां इके भाटो मारे। ८उ पाछो नमी ग्यो ने अंगळी से जमीन पे लिखवा लाग्यो। ९जदे उणने यो सुण्यो तो पेलां बुडाहुण, अने पाछा सगळा एक-एक करिके जावा लाग्या, अने उ एखलो रई ग्यो, अने वा बइरा

वांज उबी रइगी। १०जदे ईसु सुदो उबो हुई ने उकासे बोल्यो, "हे नारी वी कां ग्या? कइंका ने थारे सजा को हुकम नी द्यो?"

११वा बोली, "कइंका ने नी, परभुजी।"

तो ईसु ने क्यो, "हूं बी थारे सजा नी दउं। जा चली जा, अने अबे पाछी पाप मती करजे।"^c

ईसु जगत को उजाळो

१२+ ईसु पाछो लोगहुण से केवा लाग्यो "जग को उजाळो हूं हूं। जो म्हारा पाछे हुई जावे उ इन्दारा माय नी भटके, पण जीवन जोत पायगा।"

१३+ तो फरीसिहुण ने उकासे क्यो, "तू अपनी गवई खुदज दई र्यो। थारी गवई सांची हयनी।"

१४ईसु ने जुवाब दई के क्यो, "हालाके अपनी गवई हूं खुदज दउं पण फेर बी म्हारी गवई सांची हे, क्योँके हूं जाणू के हूं कां से आयो अने कां जई र्यो हूं। पण तम नी जाणो के हूं कां से आयो अने कां जई र्यो हूं। १५तम लोगहुण काया का मुजब न्याव करो। हूं कइंका को न्याव नी करूं। १६अगर हूं न्याव बी करूं तो म्हारो न्याव सांचो, क्योँके हूं एखलो हयनी, पण म्हारा गेले म्हारो पिता परमेसर, जेने म्हारे मोकल्यो हे। १७+ तमारा नेम-

^a ८.५ भाटा मारवा को नेम राख्यो हे।; लेव्यव्यवस्था २०:१०; नेम-बिधान २२:२२-२४ माय लिख्यो हे के अगर कइंका व्योबिचार करता पकड़या जाय तो उणके भाटामार करी के मारी लाखणो चड़ये, पण फरीसी अने सदुकी सिरप बइरा केज लाया। ^b ८.६ दोष लगावा को मोको; अगर मसीह भाटा मारवा को हुकम नी दे तो मूसा का नेम-बिधान का खिलाप बात हुई जाय, अने भाटा मारवा को हुकम दे तो रोमी सरकार आड़े अई जाय क्योँके मोत की सजा देवा को हक सिरप रोमी सरकार को थो।

^c ८.११ सुरु का अनुवादकहुण कने यो हिस्सो नी थो (देखो ७:५३)।

[†] ८.५: लेव्यव्यवस्था २०:१०; नेम-बिधान २२:२२-२४ [†] ८.१२: मती ५:१४; योहन् ९.५

[†] ८.१३: योहन् ५.३१ [†] ८.१७: नेम-बिधान १९.१५

बिधान मेंज लिख्यो के कइंकी बात पे दो मनख की गवई मिळी के सांची रे हे।
 १८ एक हूं जो म्हारी गवई दउं, अने दूसरो म्हारो पिता हे जेने म्हारे मोकल्यो अने उ म्हारा बारामें गवई दे हे।"

१९ तो वी उकासे केवा लाग्या, "थारो पिता कां रे?"

ईसु ने जुवाब द्यो, "तम नी तो म्हारे जाणो नी म्हारा पिता के। अगर तम म्हारे जाणता तो म्हारा पिता के बी जाणता।"

२० ई बचन उने उणकासे मन्दर का खजाना कने परबचन देता बखत बोल्या, अने कइंका ने उके नी पकड़्यो क्योके उको बखत अबी तक नी आयो थो।

तम वां नी जई सकता जां हूं जउं

२१ उ पाछो उणकासे बोल्ह्यो, "हूं जउं, अने तम म्हारे दुंडोगा पण अपणा पाप माय मांफी बिना मरोगा।^d जां हूं जई र्यो हूं, वां तम नी अई सकोगा।"

२२ इका पे यहूदी हाकिमहुंण बोलवा लाग्या, "कई उ अपने खुद के तो मारी नी लाखेगा? उ के हे, जां हूं जई र्यो तम नी अई सकता।"

२३ उने उणकासे क्यो, "तम निच्चे का अने हूं अदरे को हूं। तम इना जग का हो अने हूं इना जग को हयनी।
 २४ इकासरु म्हने तमार से क्यो के तम

अपणा पाप माय मरोगा क्योके जदत्तक तम बिसास नी करो के हूं उज हूं, तम अपणा पापहुंण मेंज मरोगा।"

२५ वी उकासे केवा लाग्या, "तू कुंण हे?"

ईसु ने उणकासे क्यो, "हूंज हूं, जो तमारे सुरु सेज केतो अई र्यो हूं।
 २६ म्हारे तमारा बारामें घणी बातहुंण केणी हे अने न्याव करनो हे। पण जेने म्हारे मोकल्यो उ सांचो हे अने वी बातहुंण जो म्हने उकासे सुणी वीज हूं जग से कई र्यो हूं।

२७ वी या नी जाणी र्या था के उ उणकासे परमेसर पिता का बारामें कई र्यो थो। २८ तो ईसु ने क्यो, "जदे तम हूं मनख का बेटा के अदरे चड़ावगा जदे तम जाणोगा के हूं हूंज हूं, अने अपने आप कइंनी करूं, पण जसे पिता ने म्हारे सीखई दी, हूं याज बात कूं। २९ जेने म्हारे मोकल्यो उ म्हारा गेले रे हे उने म्हारे एखलो नी छोड़्यो, क्योके हूं सदा सेज उज काम करूं जेकासे उ खुस रे।"

३० जदे उने इनी बातहुंण के करी तो घणा मनखहुंण ने उका पे बिसास कर्यो।

आजादी को सांचो मारग

३१ ईसु उना यहूदिहुंण के जिणने उका पे बिसास कर्यो थो केवा लाग्यो, "अगर तम म्हारा बचन माय बण्या रोगा,

^d ८.२१ तम म्हारे दुंडोगा पण अपणा पाप माय मांफी बिना मरोगा; ईसु ने यहूदिहुंण का अगवाहुंण से क्यो, लगातार उका पे नगे राखोगा मसीह आयगा अने उणके बचाड़ेगा, पण वी उके पायगा हयनी। वी बिना परमेसर से पाप मांफ होया मरेगा। इकासरु के उणने ईसु के जो मसीह अने बचाड़वा वाळो हे ठुकरई लाख्यो।
 ८.२४ हूं उज हूं; यहूदिहुंण परमेसर का पवितर नाम "याहवे" जेको अरथ "हूं हे"। योहन् का सुब-समिचार माय "हूं हे" के कई-कई ईसु मसीह सरु काम माय ल्यो हे, अने या बताड़वा की कोसिस करी के ईसु परमेसर हे।

तो सांचीमेंज म्हारा चेलाहुंण केवाइया जावगा। ^{३२}अने तम सच्चई के जाणोगा अने सच्चईज तमारे आजादी देवाड़ेगा।

^{३३}† उणने उके जुवाब द्यो, "हम इबराइम का बंस का हे। अबी तक कोइंका का गुलाम नी होया। तो फेर तू कसे बोले, के तमारो छुटकारो हुई जायगा?"

^{३४}ईसु ने उणके जुवाब द्यो, "हूं तमार से खास बात कूं, हरेक जो पाप करे उ पाप को गुलाम हे। ^{३५}गुलाम हमेस्या घर माय नी रे, पण बेटो हमेस्या रे। ^{३६}अगर हूं परमेसर को बेटो तमार आजादी दउं तो तम सांचीमेंज आजाद हुई जावगा। ^{३७}हूं जाणूं के तम इबराइम का बंस का हो। फेर बी म्हारे मारी लाखणो चावो, इकासरु के म्हारा बचन तमारा हिरदा माय जगा नी पई र्या हे। ^{३८}हूं वीज बातहुंण कूं जे के अपना पिता का यां देखी। असोज तम बी वीज काम करो हो जिणके तमने अपना पिता से सुण्यो हे।"

^{३९}उणने जुवाब द्यो, "हमारो पिता तो इबराइम हे।"

ईसु ने उणकासे क्यो, "अगर तम इबराइम का बंस का हो तो इबराइम सरीका काम करो। ^{४०}पण अबे म्हारा जसा मनख के मारी लाखणो चावो जेने तमारे वा सच्चई बतई जो म्हने

परमेसर से सुणी। असो तो इबराइम ने नी कर्यो। ^{४१}तम अपना पिता को काम करी र्या हो।"

पण उणने उकासे क्यो, "हम ब्योविचार से नी जन्म्या।[†] हमारो एकज पिता हे याने के परमेसर।"

^{४२}ईसु ने उणकासे क्यो, "अगर परमेसर तमारो पिता होतो, तो तम म्हार से परेम राखता, क्योके हूं परमेसर से हिट्यो हूं। अपनी मरजी से नी आयो पण म्हारे उनेज मोकल्यो। ^{४३}जो हूं कई र्यो हूं उके तम समजो क्यो नी? यो इकासरु हे के तम म्हारा बचन सुणी नी सको। ^{४४}तम तो अपना पिता सेतान का हो अने अपना पिता की मरजिहुंण के पूरण करनो चाव हो। उ तो सुरु से हत्यारो हे अने सच्चई पे नी ठेर्यो रे, क्योके सच्चई उका माय हेज हयनी। जदे बी उ झुंटो बोले तो अपना सोभाव सेज बोले, क्योके उ झुंटो अने झुंटाहुंण को पिता हे। ^{४५}हूं सांचो बोलुं, इकासरु तम म्हारो बिसास नी करो। ^{४६}तमार माय से कुंण म्हारे पापी ठेराय हे। अगर हूं सांची बोलुं तो तम म्हारो बिसास कायसरु नी करो हो? ^{४७}जो परमेसर को हे उ परमेसर की बातहुंण सुणे। तम इकासरु नी सुणो क्योके तम परमेसर का होज नी।"

[†] ८.४१ हम ब्योविचार से नी जन्म्या; लोगहुंण ने क्यो के "हम इबराइम का बंस अने परमेसर की सांची सन्तान हे। परमेसर ने क्यो हे इसराइल म्हारो पेलो जन्म्यो बेटो हे (निरगमन ४:२२)।" पण ईसु ने क्यो, के वी इबराइम का बंस का हयनी क्योके उणने इबराइम का सरीका करम नी कर्या (आयत ४०), इका से उणको आत्मिक पिता दूसरो हे। उणका बिचार माय ईसु के हे के उणकी मां ने, दूसरा मनख का गेले ब्योविचार से बेटा के जन्म्यो हे - अने इनी बात के उणने नकार्यो हे।

[†] ८.३३: मती ३.९; लूका ३.८

ईसु इबराइम से पेलां को हे

४८ यहूदिहंण ने उकासे क्यो, "कई हम सांची नी कई र्या के तू सामरी मनख हे, अने थारा माय बुरी आतमा हे?"

४९ ईसु ने जुवाब द्यो, "म्हार माय बुरी आतमा हयनी। हूं अपना पिता को मान करूं, पण तम म्हारो मान पाडो हे। ५० हूं अपनी मान मरियादा नी चउं, एक हे जो चावे अने धरम से न्याव करे हे। ५१ हूं तमार से खास बात कूं के अगर कई को म्हारा बचन के पाळे तो उ कदी मरेगा हयनी।"

५२ यहूदिहंण ने उकासे क्यो, "अबे हम जाणी गया के थारा माय बुरी आतमा हे। इबराइम मरी गयो अने नबिहंण बी, पण तू के हे के अगर कई को म्हारा बचन के पाळे तो उ कदी मोत का बस माय नी रेगा। ५३ निश्चित तू हमारा पिता इबराइम से बड़ो हयनी जो मरी गयो। नबिहंण बी मरी गया। तू अपने खुद के कई समजे?"

५४ ईसु ने जुवाब द्यो, "अगर हूं खुदी अपना मान दउं तो म्हारो आदर मान कइबी हयनी। म्हारे मान मरियादा देणे वाळो म्हारो पिता हे, जेका बारामें तम को हो उ हमारो परमेसर हे। ५५ तमने तो उके नी जाण्यो पण हूं उके जाणूं। अगर हूं कूं के हूं उके नी जाणूं तो हूं तमारा सरीको झुंटी रूवां, पण हूं उके जाणूं अने उका बचन को पाळण करूं। ५६ तमारा

पिता इबराइम म्हारो दन देखवा की आस से खुस होयो। उने देख्यो बी अने मगन हुई गयो।"

५७ इका पे यहूदिहंण ने उकासे क्यो, "तू अबी पचास बरस को बी हयनी। कई तने इबराइम के देख्यो?"^१

५८ ईसु ने उणकासे क्यो, "हूं तमार से खास बात कूं, इका पेलां के इबराइम जन्म्यो, हूं हे।"^२

५९ तो उणने ईसु के मारवा सरु भाटा उठाइया, पण उ छिपी के मन्दर से बायरे चल्यो गयो।

जनम का आंदा के नगे आणो

फेर ईसु ने जाता-जाता एक मनख ९ के देख्यो जो जनम को आंदो थो।^३ अने उका चेलाहंण ने उकासे पुछ्यो, "हे गरु, केने पाप कर्यो? इना मनख ने के इका मां-बाप ने कर्यो के यो आंदोज जनम्यो?"

३ ईसु ने जुवाब द्यो, "नी तो इना मनख ने पाप कर्यो नीज इका मां-बाप ने पाप कर्यो, पण यो जनम से आंदो इकासरु होयो के परमेसर का काम उका माय परगटे। ४ जरूरी हे जे ने म्हारे मोकल्यो उको काम हम दनज दन माय करां। वा रात आवा वाळी हे, जेका माय कई को मनख काम नी करी सकेगा। ५ जदत्तक हूं हे, हूं जग को उजाळो हूं।"

६ जदे ईसु या कई चुक्यो, तो उने जमीन पे थुंक्यो अने थुंक से गारा

^१ ८.५७ तने इबराइम के देख्यो ?; थोडाक लेखहंण माय इबराइम ने थारे देख्यो ? ^२ ८.५८ हूं हे; योहान ८:२४ माय नोट देखो। ^३ ९.४ दनज दन माय; जदे ईसु गेले हे तो चेलाहंण दन माय उच्यो हे। रात तो मोत के बताड़े हे।

^४ ९.५: मती ५.१४; योहान ८.१२

के गीलो करिके आंदा की आंखहुंण पे लगाइयो। ७अने क्यो, "जई के सीलोह नगर का कुण्ड माय धोई ले।" तो उने जई के धोयो अने देखतो होयो आयो।

८जदे पड़ोसिहुंण अने जिणने पेलं उके भीक मांगतो देख्यो थो केवा लाग्या, "कई यो उज नी जो बेठिके भीक मांग्या करता थो?"

९दूसरा केवा लाग्या, "यो उज हे।" अई-वईका जणाहुंण ने क्यो, "नी, पण उका सरीको हे।"

उ केतो र्यो "हूं हूं।"

१०इकासरु वी उकासे पुछवा लाग्या, "तो थारी आंखहुंण कसे खुली गी?"

११उने जुवाब द्यो, "ईसु नाम का मनख ने गारो गीलो कर्यो अने म्हारी आंखहुंण पे लगाइयो अने म्हार से बोल्यो, 'सीलोह का कुण्ड माय जई ने धोई ले।' तो म्हने जई के धोयो अने देखवा लाग्यो।"

१२अने उणने उकासे पुछ्यो "उ कां हे?"

उ बोल्यो, "हूं नी जाणूं।"

नज होवा का बारामें पूछ-ताछ

१३वी उके पेलं जो आंदो थो फरीसिहुंण कने लाया। १४जेना दन ईसु ने गारो सान्यो अने उकी आंखहुंण पे लगाइयो थो उ सबत् को दन थो। १५पाछा फरीसिहुंण ने बी उकासे पुछ्यो के कसे देखवा लाग्यो? उने उणकासे क्यो, "उने म्हारी आंखहुंण पे गारो लगाइयो अने म्हने धोयो। अबे हूं देखी र्यो हूं।"

१६इकासरु फरीसिहुंण माय से थोडाक केवा लाग्या, "यो मनख परमेसर आडी से हयनी क्यौंके उ सबत् का दन के नी माने।"

पण दूसरा फरीसिहुंण केवा लाग्या, "एक पापी मनख असो चमत्कार कसे दिखई सके।" अने उणका माय फूट पड़ी गी।

१७तो उणने उना मनख से जो पेलं आंदो थो पाछो पुछ्यो, "उने थारी आंखहुंण कसे खोली। तू उका बारामें कई के?"

उने क्यो, "उ नबी हे।"

१८तो यहूदी अगवाहुंण ने उकी इनी बात को भरोसो नी कर्यो के उ आंदो थो अने अबे देखवा लाग्यो, जदत्तक उणने उना मनख का मां-बाप के बुलाडी के, १९यो पुछी नी ल्यो, "कई यो तमारो बेटो हे? जेके तम को के यो आंदो जन्म्यो थो? तो अबे उ कसे देखी र्यो हे?"

२०उका मां-बाप बोल्यो, "हम जाणा हे के यो हमारो बेटो हे अने उ आंदो जन्म्यो थो। २१पण अबे उ कसे देखवा लाग्यो हम नी जाणा या केने इकी आंखहुंण खोली हमारे नी मालम। उकासेज पुछी लो उ सयाणो हे, अपणा बारामें खुदी बताडी देगा।" २२उका मां-बाप ने असो इकासरु कर्यो क्यौंके वी यहूदी अगवाहुंण से डरता था, क्यौंके यहूदी हाकिमहुंण माय पेलंसेज एको हुई ग्यो थो के अगर कई को के, के ईसु मसीह हे, तो उके पराथनाघर से अने जात बायरे हेडी लाखांगां। २३इकासरु उका

मां-बाप बोल्या, "उ सयाणो हे, उकासे पुछी लो।"

२४उणने उना मनख के पाछो बुलाइयो जो आंदो थो अने उकासे बोल्या, "परमेसर की म्हेमा करा।^k हम जाणा हे के यो मनख पापी हे।"

२५तो उने जुवाब द्यो, "हूं नी जाणूं के उ पापी हे या नी। हूं तो एक बात जाणूं के हूं आंदो थो अने अबे देखी र्यो हूं।"

२६अने इकासर उणने उकासे पाछो पुछ्यो, "उने थारा गेले कई कर्यो? थारी आंखहुंण कसे खोली लाखी?"

२७उने उणके जुवाब द्यो, "हूं तो तमार से पेलांज बोली चुक्यो अने तमने नी सुण्यो। अबे दूसरा कावा कायसर सुणवा चाव? कई तम बी उका चेला बणणो चाव हो?"

२८अने वी उके बुरो भलो केता होया बोल्या, "तूज उको चेलो रे। पण हम तो मूसा का चेलाहुंण हे।^{२९}हम जाणा की परमेसर ने मूसा से बात करी, पण इना मनख का बारामें हम नी जाणा के यो कां को हे।"

३०उना मनख ने जुवाब देतो होयो उणकासे क्यो, "अरे, या तो घणी अनोखी बात, के तम नी जाणो के उ कां को हे फेर बी उने म्हारी आंखहुंण खोली लाखी।^{३१}हम जाणा की परमेसर पापिहुंण की पराथना नी सुणे, पण अगर कई को उका डर माय चले अने उकी मरजी पूरण करतो रे तो उ उकी सुणे।^{३२}सनातन से यो कई सुणवा माय नी आयो के कईका ने जनम का आंदा

मनख की आंखहुंण खोली होय।^{३३}अगर यो मनख परमेसर आड़ी से नी होतो, तो उ कईबी नी करी सकतो।"

३४वी जुवाब माय बोल्या, "तू तो पाप मेंज जन्म्यो हे, तू कई हमारे सीखाइवा आयो?" अने उणने उके जात बायरे हेड़ी लाख्यो।

आतमा को आंदोपणो

३५ईसु ने सुण्यो की उणने उके जात बायरे करी लाख्यो हे तो उकासे मिळ्यो अने बोल्यो, "कई तू मनख का बेटा पे बिसास करे?"

३६उने पुछ्यो, "उ कुंण हे, परभु, के हूं उका पे बिसास करूं?"

३७ईसु ने उकासे क्यो, "तने उके देख्योज हे, अने उज हे जो अबी थार से बोली र्यो हे।"

३८अने उने क्यो, "परभु, हूं बिसास करूं हे।" अने उने ईसु के धोक दइने परणाम कर्यो।

३९जदे ईसु ने क्यो, "हूं इना जग माय न्याव सरु आयो के जो नी देखे वी देखी सके, अने जो देखे हे वी आंदा हुई जाय।"

४०फरीसिहुंण माय से जो उका गेले था ई बातहुंण सुणी के उणने उकासे क्यो, "अरे! कई हम बी आंदा हे?"

४१ईसु ने उणकासे क्यो, "अगर तम आंदा होता तो तमार माय कई को पाप नी रेतो। अबे तम कई र्या हो, के हम देखां हे इकासर तमारो पाप बण्यो रेगा।

^k ९.२४ परमेसर की म्हेमा करा; परमेसर का सामे सांची बोल।

गाडरहुंण अने उको ग्वाळो

१० "हूं तमार से खास बात कूं के उ जो फाटक से गाडर का खाडु माय नी आवे पण दूसरा आड़ी से भराय हे, उ चोब्डो अने डाकू हे। २पण जो फाटक से आय उ अपणी गाडरहुंण को ग्वाळो हे। ३फाटक पे रेवा वाळो गाडर वाळा सरु फाटक हेडे अने गाडरहुंण उकी अवाज जाणे। उ अपणी गाडरहुंण को नाम लइ-लइने बुलाडे अने उणके बायरे लई जाय। ४जदे उ अपणी सगळी गाडरहुंण के बायरे



गाडरहुंण की अगडे ग्वाळो (JHN १०.४)

हेडी ले तो उणका अगडे-अगडे चले अने गाडरहुंण उका पछेडे हुई जाय, क्योंकिे वी उकी अवाज जाणे हे। ५अने वी कइंका दूसरा का पाछे कदी नी जायगा पण उकासे बिचकेगा क्योंकिे वी दूसरा की अवाज नी जाणे।"

६ईसु ने उणके या मिसाल दई पण वी नी समजी सक्का के ई कइं बातहुंण हे जो उ हमार से कई र्यो थो।

ईसु अच्छो ग्वाळो

७इकासरु ईसु ने उणकासे पाछो क्यो, "हूं तमार से खास बात कूं, गाडर को फाटक जसो हूंज हे। ८-९बारना सरीको हूंज हे। अगर कई को म्हारा भितरे से आवे तो उ उध्दार पायेगा, बायरे-भितरे आणो-जाणो करेगा, अने चारो-पाणी पायेगा। जितरा म्हार से पेलं आया वी सगळा चोब्डा अने डाकू हे पण गाडरहुंण ने उणकी नी सुणी। १०पण चोब्डा सिरप चोरी करवा, मारी लाखणे, अने मिटाणे आय हे। अने हूं इकासरु आयो के लोगहुंण जीवन पाय अने घणो जीवन पावे।

११"अच्छो ग्वाळो हूंज हे, अच्छो ग्वाळो अपणी गाडरहुंण सरु अपणी जान दई दे हे। १२उ जो मजुर्यो हे ग्वाळो हयनी अने नीज गाडर धणी हे। पण बरगडा के आतो देखी के गाडरहुंण के छोडी के भागी जाय, अने बरगडो झापटो मारी के उणके खक्कळ-बक्कळ करी लाखे हे। १३उ इकासरु भागी जाये क्योंकिे उ मजुर्यो हे अने उके गाडरहुंण की परवा हयनी। १४-१५ अच्छो ग्वाळो हूंज हे। जसो पिता म्हारे जाणे अने पिता के वसोज हूं जाणूं, हूं अपणी गाडरहुंण के बी वसेज जाणूं हूं अने म्हारी गाडरहुंण म्हारे जाणे हे। अने हूं गाडरहुंण सरु अपणी जान दं। १६म्हारी हजु बी गाडरहुंण हे जो इना खाडु की हयनी। म्हारे उणके बी लाणो जरुरी हे। अने वी म्हारी अवाज सुणेगा जदे उणको एकज खाडु ने एकज ग्वाळो रेगा।

१७ "पिता इकासरु म्हार से परेम राखे के हूं अपणो पराण दउं के पाछो उके लई लूं। १८ कई को पराण के म्हार से छुड़ाय हयनी, पण हूं उके अपणी मरजी से दउं। म्हारे उके देवा को बी हक हे। अने पाछो लई लेवा को बी हक हे। यो हुकम म्हारे म्हारा पिता परमेसर से मिळ्यो हे।"

१९ इनी बातहुंण से यहूदिहुंण माय फाट पड़ी गी। २० अने उणका माय से घणा लोगहुंण केवा लाग्या, "इका माय बुरी आतमा हे अने उ बावळो हे। तम उकी कायसरु सुणो?"

२१ पण दूसरा लोगहुंण कई र्या था, "ई बातहुंण उकी हयनी जेका माय बुरी आतमा रे हे। कई बुरी आतमा आंदा की आंखहुंण खोली सके?"

यरुसलेम का लोगहुंण ने ईसु के नकार्यो

२२ उना बखत स्याळा का दन था अने ईसु यरुसलेम माय समरपण तेवार[†] मनाइवा गयो। २३ ईसु मन्दर माय सुलेमान का ओसारा माय टेली र्यो थो। २४ तो यहूदिहुंण ने ईसु के चारी-मेर भेळा हुई के घेरी ल्यो अने बोल्या, "तू हमारे कदत्तक दुल्हा माय राखेगा? अगर तू परमेसर आड़ी को मसीह हे तो साफ-साफ कइदे।"

२५ ईसु ने उणके जुवाब द्यो, "म्हने तमार से कई द्यो पण तम बिसास नी करो। जो काम हूं अपना पिता

का हक से करूं वीज म्हारा बारामें गवाई दे हे। २६ पण तम बिसास नी करो क्योके तम म्हारी गाडरहुंण माय से हयनी। २७ म्हारी गाडरहुंण म्हारी अवाज सुणे। हूं उणके जाणूं अने वी म्हारा पछड़े-पछड़े चल्या चले। २८ हूं उणके अजर-अमर जीवन दउं। वी कदी मिटेगा हयनी अने उणके म्हारा हात से कई को छुड़ई नी सके। २९ म्हारो पिता जेने उणके म्हारे द्या सगळा से उ म्हान हे अने कई को बी उणके पिता का हात से छुड़ई नी सके। ३० हूं अने पिता एकज हे।"

३१ यहूदिहुंण ने उके भाटा से मारवा सरु पाछा भाटा उठाइया। ३२ पण ईसु बोल्थो, "म्हने पिता आड़ी से नरा अच्छा काम कर्या। उका माय से केका सरु म्हारे भाटा मारी र्या हो?"

३३[†] अने यहूदिहुंण ने उके जुवाब द्यो, "हम कइका अच्छा काम सरु भाटा नी मारी र्या पण परमेसर की निंदा करवा सरु। अने इकासरु के तू मनख हुई के अपने खुद के परमेसर बताड़े हे।"

३४[†] ईसु ने उणके जुवाब द्यो, "कई तमारा नेम-बिधान माय नी लिख्यो, 'म्हने क्यो, तम ईसवरहुंण हो?' ३५ अने धरम सासत्तर बदळ्यो नी जई सकतो। परमेसर ने उणके ईसवरहुंण क्यो जिणका कने उको बचन पौंच्यो। ३६ तो जेके पिता ने पवित्तर करिके जग माय मोकल्यो, कई तम उका बारामें इकासरु

[†] १०.२२ समरपण तेवार; या समरपण परब यहूदिहुंण का एक तेवार।

[†] १०.२२: भजन संहिता ८२.६

[†] १०.३३: लेव्यव्यवस्था २४.१६

[†] १०.३४: भजन संहिता ८२.६

कई रूया हो 'तू निंदा करे हे' क्योंकि म्हेने क्यो 'हूं परमेसर को बेटो हूं'? ^{३७}अगर हूं अपना पिता को काम नी करूं तो म्हारो बिसास मती करो। ^{३८}अगर हूं उका काम के करूं तो चाव तम म्हारो बिसास मती करो पण उना कामहुंण से तो बिसास करो। तो तम जाणो अने समजी जावगा के पिता म्हार माय अने हूं पिता माय हूं।"

^{३९}तो उणने उके पकड़वा की पाछी कोसिस करी पण उ उणका हात से बची के निकली गयो,

^{४०}† अने उ पाछो यरदन पेलों पार उनी जगा पे चल्थो गयो जां योहान पेलों बपतिसमो देतो थो, अने वड़ज रेवा लाग्यो। ^{४१}घणा मनख उका कने अई के ने या केता था, "योहान ने तो कई को चमत्कार नी बताइयो। फेर बी उने जो कई इना मनख का बारामें बताइयो, उ सगळो सांचो थो।" ^{४२}अने वां घणा मनखहुंण ने ईसु पे बिसास क्यो।

लाजर की मोत

^{११} † मरियम अने उकी बेन मारथा का गांम बेतनिय्याह को लाजर नामको एक मनख बेमार थो। ^२† मरियम वाज थी जेने बाद माय परभु ईसु का पणहुंण पे अतर लाखी के अपना बालहुंण से पोंछ्या था। इकोज भई लाजर बेमार थो। ^३इकासरु बेनहुंण ने ईसु के संदेसो मोकल्यो, "परभु, देख जेकासे तू घणो परेम राखतो थो, उ बेमार हे।"

^४पण जदे उने यो सुण्यो तो क्यो, "यो रोग मोत को हयनी पण परमेसर की म्हेमा सरु हे के इका से परमेसर का बेटा की म्हेमा होय।"

^५ईसु तो मारथा अने उकी बेन अने लाजर से परेम राखतो थो। ^६फेर बी जदे उने सुण्यो के लाजर बेमार हे तो उ जेनी जगा पे थो, वां दो दन हजु रुकी गयो। ^७इका बाद उने चेलाहुंण से क्यो, "चलो, हम पाछा यहूदिया परदेस आडी चलां।"

^८चेलाहुंण ने उकासे क्यो, "हे गरु, अबी तो यहूदिहुंण थारे भाटा मारनो चाता था, अने कई तू पाछो वड़ज जाय हे?"

^९ईसु ने जुवाब द्यो, "कई दन का बारा घंटा नी होय? अगर कई को दने चले तो ठोकर नी खाय, क्योंकि उ इना जग को उजाळो देखे। ^{१०}पण अगर राते चले तो ठोकर खाय, क्योंकि उका माय उजाळो हयनी।" ^{११}असो केवा का बाद उने उणकासे क्यो, "हमारो दोस लाजर सोई गयो, पण हूं जडं के उके नीन्द से जगाडुं।"

^{१२}इकासरु चेलाहुंण ने उकासे क्यो, "परभु, अगर उ सोई गयो तो बची जायगा।"

^{१३}ईसु ने तो लाजर की मोत का बारामें क्यो थो, पण चेलाहुंण ने बिचार्यो के उ नीन्द से सोइ जावा का बारामें कई र्यो हे। ^{१४}इका पे ईसु ने उणकासे साफ कई द्यो, "लाजर मरी गयो हे।" ^{१५}अने हूं तमार से खुस हूं के हूं वां नी थो, जेकासे की तम बिसास करो। अई जाव, अबे हम लाजर कने चलां।"

† १०.४०: योहान १.२८

† ११.१: लूका १०.३८-३९

† ११.२: योहान १२.३

१६तो थोमा जो जुडमा केवाय अपना सातका चेलाहुंण से बोल्यो, "चलो, हम बी उका गेले मरवा चला।"

ईसु बेतनिय्याह गांम माय आयो

१७जदे ईसु बेतनिय्याह गांम आयो तो उके मालम पड़्यो के लाजर के कबर माय राख्या के चार दन हुई चुक्या हे। १८बेतनिय्याह गांम तो यरुसलेम का कने एक कोस^म का फासला पे थो, १९अने घणा यहूदिहुंण मारथा अने मरियम कने उणका भई का बारामें दिलासो देवा आया था।

२०जदे मारथा ने सुण्यो के ईसु अई र्यो तो वा उकासे मिळवा सरु चली, पण मरियम घर मेंज बेठी री। २१मारथा ने ईसु से क्यो, "परभु, अगर तू यां होतो तो म्हारो भई नी मरतो। २२अबे बी हूं जाणूं के तू परमेसर से जो कई मांगेगा परमेसर थारे देगा।"

२३ईसु ने उकासे क्यो, "थारो भई पाछो जीवतो हुई जायगा।"

२४मारथा ने उकासे क्यो, "हूं जाणूं के जग का अंत का दन माय पाछा जी उठवा का बखत उ जीवतो हुई जायगा।

२५ईसु ने उकासे क्यो, "जीवता करवा वाळो अने जीवन हूंज हे। जो म्हार पे बिसास करे अगर मरी बी जाय तो उ पाछो जी उठ्यायगा। २६अने हरेक जो जीवता अने म्हार पे बिसास करे कदी नी मरेगा। कई तू इनी बात पे बिसास करे हे?"

२७उने उकासे क्यो, "हां परभु, म्हने बिसास कर्यो के तूज परमेसर को बेतो मसीह हे। याने तू उज जो जग माय आणे वाळो थो।"

ईसु रोयो

२८या किके वा चली गी, अने अपनी बेन मरियम के बुलाडी के छाने से बोली, "गरु यांज हे। अने थारे बुलावे हे।" २९जदे मरियम ने यो सुण्यो तो वा झट उठी के उकासे मिळवा सरु चली पड़ी। ३०ईसु अबी तक गांम माय नी पोंच्यो थो पण उनीज जगा पे थो जां उकासे मारथा मिळी थी। ३१तो जो यहूदिहुंण मरियम का गेले घर माय उके दिलासो दई र्या था जदे उणने मरियम के झट उठी के बायरे जाता देखी तो या समजी के के वा कबर पे रोवा सरु जई री हे। वी उका पछड़े चली पड़्या।

३२जदे मरियम वां पोंची जां ईसु थो उके देखताज वा पग के धोक देवा अने केवा लागी, "हे परभु, अगर तू यां होतो थो म्हारो भई नी मरतो।"

३३जदे ईसु ने उके अने उका गेले आया यहूदिहुंण के बी रोता देख्या, तो उ आतमा माय घणो छटपटायो अने दुःखी होयो। ३४अने बोल्यो, "तमने उके कां धर्यो हे?"

उणने उकासे क्यो, "परभु, चली के देखी ले।"

३५ईसु रोई द्यो। ३६तो यहूदिहुंण केवा लाग्या, "देखो तो उ उकासे कितरो परेम राखतो थो।"

^म ११.१८ एक कोस; या करीब दो या तीन किलो मीटर।

३७ पण उका माय से कितरा ने क्यो,
"कई यो जेने आंदा की आंखहुंण खोली
लाजर के मरवा से नी रोकी सकतो थो?"

लाजर के जिवाइयो जाणो

३८ पाछो ईसु हिरदा माय घणो दुःखी हुई
के कबर पे आयो। वा एक गुफा थी अने
एक बड़ी सिल्ला उका पे धरी हुई थी।
३९ ईसु ने क्यो, "सिल्ला के हटई लाखो।"

अने मुरदा लाजर की बेन मारथा उकासे
बोली, "परभु, अबे तो उका माय बास
अइरी होयगा क्योके यो चोथो दन हे।"

४० ईसु ने उकासे क्यो, "कई म्हने थार
से नी क्यो के अगर तू बिसास राखेगा तो
परमेसर की म्हेमा देखेगा?" ४१ तो उणने
सिल्ला के हटाडी। अने ईसु ने अपणी
आंखहुंण अदरे उठई ने क्यो, "हे पिता,
हूं थारो धन्यवाद करूं के तने म्हारी सुणी
ली। ४२ अने हूं जाणूं के तू सदाज म्हारी
सुणे हे, पण चारी आडी उब्बा मनख
सरु हूं असो कई र्यो हूं के वी थार पे



कबर माय से लाजर को आणो (JHN ११.४४)

बिसास करे के तनेज म्हारे मोकल्यो हे।"
४३ अने जदे उ ई बातहुंण कई चुक्यो तो
उने घणी जोर से हेला पाइयो, "हे लाजर,
हिट्या।" ४४ जो मरी ग्यो थो उ कफन से
हात-पग बान्दयो होयो आयो, अने उको
मुन्डो लतरा से लपेट्यो होयो थो। ईसु ने
उणकासे क्यो, "उका बन्दण खोली लाखो
अने उके जावा दो।"

ईसु के मारी लाखवा की जुगत

(मती २६:१-५; मरकुस १४:१-२; लूका २२:१-२)

४५ तो उना यहूदिहुंण माय से जो
मरियम का कने अई के ईसु को यो
काम देख्यो थो, नरा ने उका पे बिसास
कर्यो। ४६ पण उणका माय से थोड़ाक
जणा फरीसिहुंण कने गया अने उणके
बताइयो के ईसु कई-कई करी र्यो हे।
४७ तो म्हापुरोहित अने फरीसिहुंण ने
म्हापंचायत के बुलाडी ने केवा लाग्या,
"हम कई करी र्या हे? यो मनख तो
घणा चमत्कार दिखाडे हे। ४८ अगर हम
उके यूज छोडी दां तो सगळा लोग उका
पे बिसास करेगा। अने रोमिहुंण अई के
हमारी जमीन अने जात दोई के हमारा
हक से अपणा हक माय करी लाखेगा।"

४९ तो उणका माय से एक ने, याने
कायफा ने जो उना बरस को म्हापुरोहित
थो उणकासे क्यो, "तम कई बी नी जाणो,
५० नी इनी बात के समजो, यो अच्छो हे
के हमारा लोगहुंण सरु एक जणो मरे," नी

" ११.५० हमारा लोगहुंण सरु एक जणो मरे; काइफा को बिचार थो के ईसु को मरनो जरुरी हे, नी के रोमिहुंण का हाते आखी यहूदी जात को नास हो। इका सरु उने भविसबाणी करी के ईसु के परमेसर का लोगहुंण सरु मरनो जरुरी हे। (वी लोग हे जो ईसु पे बिसास राखे।) परमेसर ने उके उणका पापहुंण सरु नास नी कर्यो, बाद माय मसीही लोगहुंण ने इके अपणा खुद सरु जोडी ल्यो (१ पतरस २:९)।

के आखी जात खतम हुई जाय।" ११पण या उने अपणा मन से नी पण उना बरस को म्हापुरोहित हुई ने भविसबाणी करी के ईसु अपणी जात सरु मरेगा। १२नी सिरप यहूदिहुंण जात सरु पण इकासरु के परमेसर का बंस जो तितर बितर हे उनके एक करी लाखवा सरु।

१३तो उना दन से ईसु के मारी लाखवा को कुचक्कर रचवा लाग्या। १४इकासरु उना दन से ईसु यहूदिहुंण माय परगट रूप से नी चल्थो-फर्यो, पण यरुसलेम से इफराईम नामका नगर आडी गयो जो माळ इलाका कने थो, अने चेलाहुंण का गेले वांज र्यो।

१५यहूदिहुंण को फसह को परब कने थो अने गांम का घणा मनख फसह का परब से पेलां यरुसलेम नगर चल्या गया के अपणो खुद को सुद्धिकरण करे। १६वी ईसु के दुंडी र्या था, अने मन्दर माय उब्या हुई ने माय-माय कई र्या था, "तम कई सौंची र्या हो? कई उ सांची माय फसह का तेवार माय आयगाज नी?" १७क्योंके मुख-पुरोहितहुंण अने फरीसिहुंण ने यो हुकम द्यो थो के अगर कईका के मालम पड़े की ईसु कां हे तो उकी जाणकारी दई जाय के उके पकड़ी ल्यो जाय।

ईसु का पगहुंण पे अतर रेड्नों

(मती २६:६-१३; मरकुस १४:३-९)

१२ फेर फसह का तेवार का छः दन पेलां ईसु बेतनिय्याह गांम माय आयो जां लाजर रेतो थो जेके मर्या माय से जिवाइयो थो। २तो उणने वां ईसु सरु भोजन बणायो अने मारथा सेवा करी री थी। ईसु का गेले जिमवा सरु जो लोगहुंण बैठ्या था उका माय से एक लाजर थो। ३ मरियम ने जटामांसी को आदो सेर^० घणो किमती अने असली अतर लई के ईसु का पगहुंण पे रेडी के मळी द्यो अने अपणा बालहुंण से उका पग पौछ्या। अने अतर की सुगन से घर मेंहकी गयो। ४पण उका चेलाहुंण माय से यहूदा इस्कुरियोती जो उके धोका से पकड़वाणो चातो थो, बोल्यो, ५ "इना अतर के तीन सो चांदी का सिक्काहुंण^p माय बेची के गरीब-गुरबा के क्यों नी दई द्यो?" ६उने यो इकासरु नी क्यों थो, के उके गरीब-गुरबा की फिकर थी पण इकासरु के उ चोळो अने उका कने रुप्या की झोळी रेती थी, अने जो कई उका माय मेल्यो जातो उ उकी चोरी करतो थो।

७तो ईसु ने क्यों, "उके रेवा दो। के वा इके म्हारा गाइया जावा का दन सरु^q

^० १२.३ आदो सेर; यूनानी भासा माय यो ३२५ गिराम हे। ^p १२.५ तीन सो चांदी का सिक्काहुंण; यूनानी माय, तीन सो दिनार; तीन सो दन की मजुरी। ^q १२.७ म्हारा गाइया जावा का दन सरु; यहूदी रीति मुजब जदे कई को मरी जातो थो तो उकी आखी काया पे सुगन वाळा मुसाला मिळता था। मरियम नी जाणती थी के ईसु मरवा वाळो हे। मरियम ने तो अपणो परेम बताइवा सरु अने ईसु को मान अने धन्यवाद सरु अतर मिळ्यो थो, क्योंके अबी हाल माय उका भई लाजर के मर्या माय से ईसु ने जिवाइयो थो (योहन् ११:३८-४४; १२:२)।

^r १२.३: लूका ७.३७-३८

राखी सके। ८+ क्योंकि गरीब-गुरबा तो सदा तमारा गेले रे हे पण हूं तमारा गेले सदा नी रूवां।"

लाजर के मारवा को कुचक्कर

९जदे यहूदिहंण की बड़ीमेक भीड़ ने जाण्यो के ईसु वां हे, तो वी ईसु का सरुज नी पण इकासरु बेतनिय्याह गाम आया के लाजर के देखां जेके उने मर्या माय से जिवाइयो थो। १०तो म्हापुरोहित ने लाजर के बी मारी लाखवा को कुचक्कर रच्यो, ११क्योंके उकी वजासे घणा यहूदिहंण अलग हुई के ईसु पे बिसास करवा लाग्या था।

ईसु यरुसलेम माय जे जेकार का गेले

(मती २१:१-११; मरकुस ११:१-

११; लूका १९:२८-४०)

१२दूसरा दन परब माय बड़ीमेक भीड़ ने जदे यो सुण्यो के ईसु यरुसलेम माय अई र्यो हे, १३तो मनखहंण खजूर का खोइया लई ने उकासे मिळवा सरु आया अने हेला पाइवा लाग्या, "होसन्ना! परमेसर की जे हो। धन्य हे उ जो परभु का नाम से आय हे! धन्य हे इसराइल को राजो!"

१४अने गदडी का बचड़ा पे ईसु बेठी ग्यो जसो लिख्यो,

१५+ "हे इसराइल का लोगहंण, १ मती डरो!

देख, तमारो राजो गदडी का बचड़ा पे बेठ्यो होयो

तमारा कने चल्थो अई र्यो हे।"

१६उका चेलाहंण पेलां तो ई बातहंण नी समज्या, पण ईसु के जीवता होवा का बाद उणके रियाद आयो के ई बातहंण उका बारामेंज लिखी गी थी अने मनखहंण ने उका गेले असोज कर्यो थो।

१७लाजर के कबर से बायरे बुलाइवा अने मुरदा माय से जीवाइने का बखत जो भीड़ ईसु का गेले थी वा इको बखाण करी री थी। १८भीड़ इकासरु उकासे मिळवा सरु हित्यई क्योंके लोगहंण ने सुण्यो थो की उने चमत्कार दिखाइया। १९तो फरीसिहंण ने एक दूसरा से क्यो, "बिचारो तो सई के तमार से कइंनी बणी र्यो? देखो तो संसार उका पाछे चली पड़्यो हे।"

यूनानिहंण ने ईसु से मिळनो चायो

२०थोडाक यूनानी जो परब का तेवार मनाइवा यरुसलेम माय अराधना करवा आया था। २१ई फिलिप्पुस का कने, जो गलील का बेतसेदा को थो, अई के उकासे पुछवा लाग्या, "महोदय, हम ईसु से मिळनो चावां हे।"

२२फिलिप्पुस अन्द्रियास से बोल्यो, अने अन्द्रियास अने फिलिप्पुस ने जई के ईसु के बताइयो। २३ईसु ने जुवाब दई उणकासे क्यो, "बखत अई ग्यो के हूं मनख को बेटो म्हेमा से भर्यो जंउं। २४हूं तमार से खास बात कूं, जदत्तक गंउ को दाणो जमीन माय पड़ी के मरी नी जावे, उ

+ १२.१३ होसन्ना; याने परमेसर की जे हो। 'होसन्ना' मतलब "हमारे बचाइ"। १२.१५ हे इसराइल का लोगहंण; यूनानी माय "हे सिय्योन की बेटी"। १२.२३ मनख को बेटो म्हेमा से भर्यो जंउं; योह्न ७:३९ माय नोट देखो।

+ १२.८: नेम-बिधान १५.११

+ १२.१३: भजन संहिता ११८.२५,२६

+ १२.१५: जकरियाह ९.९



दिया से इन्दारो दूर (JHN १२.३५)

सिरप एकज रेगा। पण अगर मरी जावे तो नरा नवा दाणा फळेगा। ^{२५} अने जो मनख अपणा पराण की फिकर करे उ उके खोयगा, अने जेना मनख के अपणा पराण से इना जग माय परेम हयनी, उ उके अजर-अमर जीवन सरु बचई राखेगा। ^{२६} अगर कई को म्हारी चाकरी करवा चावे तो उ म्हारा पाछे चल्यो चले, अने जां हूं रूं, वां म्हारा चाकर बी रेगा। अगर कई को म्हारी चाकरी करे तो म्हारो पिता उको मान बड़ायगा।

ईसु अपणा मरवा का बारामें बोल्यो

^{२७} "अबे म्हारो जीव बेचेन हुई उठ्यो। कई हूं या कूं, 'पिता, म्हारे इनी आवा वाळी घड़ी से बचाइ'? पण हूं दुःख उठाइवा सरुज इनी घड़ी तक पोंच्यो हूं। ^{२८} हे पिता थारी खुद की म्हेमा बताइ।"

जदे सरग से या अकासबाणी सुणई, "म्हने उकी म्हेमा करी हे, अने फेर बी करूंवां।"

^{२९} तो भीड़ का लोगहुंण जो वां उबी के सुणी र्या था केवा लाग्या के बदळो गरज्यो। अने दूसरा ने क्यो के, "सरगदूत ने उकासे बात करी।"

^{३०} ईसु ने जुवाब दइने क्यो, "या अकासबाणी म्हारा सरु हयनी पण तमारा सरु हे। ^{३१} अबे इना जग को न्याव होय हे। अबे इना जग को सासक, सेतान हेड़ी लाख्यो जायगा। ^{३२} अने हूं अगर जमीन पे से उंचो कुरुस पे चड़ायो जउंवां, तो सगळा लोगहुंण के अपणा कने खेचुंवां।" ^{३३} असो कई के ईसु यो परगटी र्यो थो के आवा वाळा बखत माय उ कसी मोत मरेगा।

^{३४} इकासरु भीड़ ने उके जुवाब द्यो, "हमने नेम-बिधान माय सुण्यो की मसीह सदा बण्यो रेगा,† फेर तू कसे कई सके, के हूं मनख का बेटा के अदरे चड़ायो जाणो जरुरी हे? यो मनख को बेटो हे कुंण?"

^{३५} तो ईसु उणकासे अपणा बारामें बोल्यो, "तमारा बीच माय उजाळो हजु थोड़िक देर सरु हे। जदतक उजाळो तमारा गेले हे तदतक चल्या चलो जेकासे की इन्दारो तमारे नी घेरी ले। जो इन्दारा माय चले उ नी जाणे के उ कंय्यांडी जई र्यो हे। ^{३६} जदतक उजाळो तमारे गेले हे, उजाळा पे बिसास राखो जेकासे के तम उजाळा की सन्तान बणी सको।"

यहूदिहुंण को अबिसास

इण बातहुंण के करिके ईसु वां से चल्यो ग्यो अने उणकासे छिप्यो र्यो। ^{३७} हालाके

† १२.२५: मती १०.३९, १६.२५; मरकुस ८.३५; लूका ९.२४, १७.३३

† १२.३४: भजन संहिता ११०.४; यसायाह ९.७ यहैजकेल ३७.२५; दानियल ७.१४

उने उणका सामे इतरा चमत्कार दिखाइया फेर बी वी उका पे बिसास नी करी र्या था। ^{३८} जेकासे की यसायाह नबी को उ बचन पूरण होयो जो उने क्यो थो,

"परभु, केने हमारा समिचार पे बिसास कर्यो?

अने परभु की सामरत किका पे परगटी हे?"

^{३९}इकासरु वी बिसास नी करी सक्या क्योके यसायाह दूसरी जगा पाछो के हे,

^{४०} "परमेसर ने उणकी आंखहुंण

आंदी करी लाखी

अने उणका हिरदा काठा करी लाख्या

कई असो नी होय के वी आंखहुंण से देखी ले

अने हिरदा से समजी जाय

अने मन बदळी ले

अने हूं परमेसर उणके नज करूं।"

^{४१}यसायाह नबी ने ई बातहुंण इकासरु की क्योके उने ईसु की म्हेमा देखी ली, अने उने उका बारामें बातहुंण बी करी थी।

^{४२}फेर बी हाकिमहुंण माय से नरा ने ईसु पे बिसास कर्यो। पण फरीसिहुंण से डरी के उके मानी नी र्या था कई असो नी होय के उणके अराधनालय से या जात बायरे करी लाखे। ^{४३}उणके तो परमेसर की बड़ई से मनखहुंण की बड़ई भली लागे।

ईसु जग के बचाइवा सरु आयो

^{४४}पाछो ईसु जोर से अवाज करी ने बोल्थो, "जो म्हार पे बिसास करे उ सिरप

म्हार पेज नी पण म्हारा मोकलवा वाळो पे बी बिसास करे। ^{४५}अने जो म्हारे देखे उ उके देखे जेने म्हारे मोकल्यो। ^{४६}हूं उजाळो हूं अने जग माय आयो हूं के जो म्हार पे बिसास करे उ इन्दारा माय नी रे। ^{४७}"अगर कई को म्हारी बातहुंण सुणी के उको पाळण नी करे तो हूं उके दोषी नी ठेरउं क्योके हूं जग के दोषी ठेरावा नी पण जग के पाप से बचाणे आयो हूं। ^{४८}जो म्हारे धिक्कारे अने म्हारा बचन ले हयनी, उके दोषी ठेरावा वाळो तो एक हे। म्हने जो बचन क्यो उज अंत का दन माय उके दोषी ठेरायगा। ^{४९}म्हने अपने आप कईनी क्यो, पण पिता जेने म्हारे मोकल्यो उनेज हुकम द्यो, के हूं कई-कई बोलुं अने कई-कई कूं। ^{५०}अने हूं जाणूं उको हुकम अजर-अमर को जीवन दे हे। इकासरु हूं जो कई बोलुं जसो म्हारा पिता ने म्हार से क्यो वेसोज बोलुं।"

ईसु ने चेलाहुंण का पग पखाळ्या

^{५१}अबे फसह का परब से पेलां ईसु ने **१३** यो जाणी के के म्हारी घड़ी अइगी हे के हूं जग के छोड़ी के पिता कने जउं। तो अपनाहुंण से जो जग माय था जसो परेम करतो अई र्यो थो उणकासे अपना जीवन का अंत तक वसोज पूरण परेम^{५२} राख्यो।

^{५३}अने जिमवा का बखत जदे सेतान पेलांसेज सिमोन का बेटा यहूदा इस्करियोती का हिरदा माय यो लाखी

^{५१} १३.१ वसोज पूरण परेम; चरम सीमा तक परेम कर्यो।

^{५२} १२.३८: यसायाह ५३.१ ^{५३} १२.४०: यसायाह ६.१०

चुक्यो थो के उ ईसु के धोको दइने पकड़वई देगा।^{१३.२} तो ईसु यो जाणतो होयो के, "पिता ने सगळो कईं म्हारा हात माय करी लाख्यो, अने यो के हूं परमेसर कने से आयो अने परमेसर कने पाछो जई र्यो हूं।"^३ तो जिमता बखत उठी के ईसु ने अपणो चोळो हेइयो अने बगले धरी लाख्यो अने सांपी लई के अपणी कमर कसी ली।^४ तो उने एक बड़ा बरतन माय पाणी भर्यो अने चेलाहुंण का पग पखाळ्या अने जेनी सांपी के अपणी कमर माय खोंसी थी उकासे इणका पग पोंछवा लाग्यो।^५ अने जदे उ सिमोन पतरस कने आयो, पतरस ने उकासे क्यो, "हे परभु, कईं तू म्हारा पग धोई र्यो हे?"

ईसु ने जुवाब माय क्यो, "हूं जो करूं तू उके अबी नी जाणी सके, पण तू इका बाद समजी जायगा।"

८ पतरस ने उकासे क्यो, "हूं कदी थारे अपणा पग पखाळवा नी दूंगा।"

ईसु ने उके जुवाब द्यो, "अगर हूं थारे नी धोउं तो म्हारा गेले थारो कइज हिस्सो हयनी।"^९

९ सिमोन पतरस ने उकासे क्यो, "परभु, खाली पगीज नी पण म्हारा हात अने माथो बी धोई दे।"

१० ईसु ने उकासे क्यो, "जेने सांपड़ी ल्यो उके तो खाली पगीज धोवा^{*} की जरूत हे। क्योके उ पूरो साफ-सुतर्यो हे। अने तम साफ हो पण तम सगळा का सगळा हयनी।"^{११} उ तो उके जाणतो थो जो धोको दई के पकड़वाणे वाळो थो। इकासरु उने क्यो, "तम सगळा का सगळा सुद्ध हयनी।"

१२[†] अने जदे उ उणका पग पखाळी चुक्यो अने अपणो चोळो पेरिके जिमणे बेठी ग्यो, तो उने उणकासे क्यो, "कई तम समज्या की म्हने तमारे गेले असो कायसरु कर्यो? सुणो, हूं तमार से खास बात कूं।"^{१३} तम म्हारे गरु अने परभु को हो। तम ठीकज को, क्योके हूं उज हूं।^{१४} अगर म्हने परभु अने गरु हुई के तमारा पग धोया तो तमारे बी एक दूसरा का पगहुंण धोणो चइये।^{१५} क्योके म्हने तमारे नमुनो द्यो हे, की तम बी असोज कर्या करो, जसो म्हने तमारा गेले कर्यो।^{१६} हूं तमारे खास बात कूं, 'चाकर अपणा मालेख से मोटो हयनी अने नीज मोकल्यो होयो अपणा मोकलवा वाळा से मोटो रे।'^{१७} तम इनी बातहुंण के जाणो हो - अगर उणका पे चलो तो तम धन्य हो।

^१ १३.२ सेतान ... पकड़वई देगा; या सेतान ने पेलां सेज यहूदा के जो सिमोन इस्करियोती को बेटो थो, छांटी ल्यो थो के ईसु के पकड़वाय। ^२ १३.८ अगर हूं थारे ... हिस्सो हयनी; यां ईसु को केवा को अरथ यो हे के आत्मा के सुद्ध करनो (१ योहन् १:९), नीके काया के। ईसु उका चेलाहुंण का पग पखाळवा का जरिये म्हान आत्मिक सुद्धा करे हे, अने पाप मांफ करनो। बिना पाप मांफी के ईसु का गेले कईं आसीस हयनी। ^३ १३.१० खाली पगीज धोवा; थोड़ाक हात का लेखहुंण माय यो नी हे।

^४ १३.१४ एक दूसरा ... धोणो चइये; नी सिरप पग धोवा का बारामें, पण ईसु ने मिसाल दई के उका चेलाहुंण के नरमता से एक-दूसरा की सेवा करनी चइये।

[†] १३.१२-१५: लूका २२.२७ ^{*} १३.१६: मती १०.२४; लूका ६.४०; योहन् १५.२०

१८† "हूं तमारा सगळा का बारामें नी कूं। हूं उणके जाणूं जिणके म्हने छांटी ल्या, पण उका सरु के पवितर सासतर को बचन पूरण होय, 'जो म्हारा रोटा खाय उज म्हारो बिरोद करे'।^२ १९इका होवा से पेलां हूं तमारे अबी बतई र्यो, जेकासे की जदे यो पूरण हुई जाय, तो तम बिसास करो के हूं हूंज हूं।^{२०†} हूं तमार से खास बात कूं जेके हूं मोकलुं उके जो माने, उ म्हारे माने, अने जो म्हारे माने, उ म्हारा मोकलवा वाळा के माने।"

पकड़वाणे वाळा का बारामें भविसबाणी

(मती २६:२०-२५; मरकुस १४:१७-२१;

लूका २२:२१-२३)

२१जदे ईसु यो कई चुक्यो तो आतमा माय बेचेन हुई ने गवई दई के क्यो, "हूं तमार से खास बात कूं के तमारा माय से म्हारे एक जणो पकड़वायेगा।

२२इकासरु चेलाहुंण एक दूसरा आड़ी ताकणे लाग्या क्योँके समजी नी सक्या के उ केका बारामें कई र्यो हे।^{२३} चेलाहुंण माय से हूं, जेकासे ईसु परेम राखतो थो,^४ ईसु आड़ी नमिने बेठ्यो थो।^{२४} तो सिमोन पतरस ने म्हारा आड़ी इसारो करिके म्हार से क्यो, "पुछी ले, 'उ कुंण हे जेका बारामें ईसु कई र्यो हे?' "

२५तो ईसु की छाती आड़ी हूं नमिके उकासे बोल्यो, "परभु, उ कुंण हे?"

२६तो ईसु ने जुवाब द्यो, "जेके हूं रोटा को कोळ्यो डुबाड़ी के दूवां, उज हे।" तो उने रोटा को कोळ्यो डुबाड़ी के सिमोन इस्कुरियोती का बेटा यहूदा के दई द्यो।^{२७} अने कोळ्यो लेताज सेतान उका माय समई ग्यो। ईसु ने उकासे क्यो, "जो तू करे झट कर।" ^{२८} पण जो उका गेले जिमणे बेठ्या था उणका माय से कई को नी जाणी पायो के उने कायसरु असो क्यो थो।^{२९} यहूदा कने रुप्या की थेली रेती थी वी सौँची र्या था की ईसु उकासे कई र्यो होगा, के परब सरु जरुरी समान मोल ल्याय के गरीब-गुरबा के थोड़ोक दई दां।

३०तो मुन्डा माय कोळ्यो लेवा का बाद यहूदा झट बायरे चल्थो ग्यो, अने यो रात को बखत थो।

एक नवो हुकम

३१जदे यहूदा बायरे चल्थो ग्यो तो ईसु ने क्यो, "अबे हूं मनख का बेटा की म्हेमा हुई^६ अने परमेसर की म्हेमा उका माय होय।^{३२} अगर म्हारा माय परमेसर की म्हेमा होय तो परमेसर बी अपणा माय म्हारी म्हेमा करेगा। अने झट करेगा।^{३३†} "बाळकहुंण, हूं हजु जरासी देर तमारा गेले हूं। तम म्हारे दुंडोगा अने जसो म्हने यहूदिहुंण से क्यो तमार से कूं, की जां हूं जावां वाळो हूं वां तम नी अई सकता।^{३४†} हूं तमारे एक नवो

^२ १३.१८ उज म्हारो बिरोद करे; यूनानी माय, उनेज म्हारा बिरोद माय लात उठाड़ी। ^४ १३.२३ हूं, जेकासे ईसु परेम राखतो थो; अरथ योहान;। यूनानी माय, उ चेलो जेकासे ईसु घणो परेम राखतो थो।

^६ १३.३१ हूं मनख ... म्हेमा हुई; योहान ७:३९ माय नोट देखो।

[†] १३.१८: भजन संहिता ४१.९ [†] १३.२०: मती १०.४०; मरकुस ९.३७; लूका ९.४८, १०.१६

[†] १३.३३: योहान ७.३४ [†] १३.३४: योहान १५.१२, १७; १ योहान ३.२३; २ योहान ५

हुकम दूं के तम एक दूसरा से परेम राखो। जसे म्हेने तमारे से परेम राख्यो असोज तम बी एक दूसरा से परेम राखो।
 ३५ अगर तम माय-माय परेम राखोगा, तो इका से सगळा जाणी जायगा की तम म्हारा चेलाहुण हो।"

पतरस का बारामें भविसबाणी के हूं ईसु के नी जाणूं

(मती २६:३१-३५; मरकुस १४:२७-३१;

लूका २२:३१-३४)

३६ सिमोन पतरस ने उकासे क्यो, "परभु, तू कां जावे?"

ईसु ने जुवाब द्यो, "जां हूं जउं, तू अबी म्हारा पाछे नी अई सकतो पण इका बाद तू आयगा।"

३७ पतरस ने उकासे क्यो, "परभु, हूं थारा पाछे कायसरु अई नी सकतो? हूं तो थारा सरु अपणी जान दई दूवां।"

३८ ईसु ने जुवाब द्यो, "कई तू म्हारा सरु थारी जान देगा? हूं थार से खास बात कूं के जदतक तू तीन कावा म्हारे नकारी नी लाखेगा, मुरगो बांग नी देगा।"

पिता कने जावा को एकज रस्तो, 'ईसु'

१४ तमारो हिरदो दुःखी नी रे। जसो तम परमेसर पे बिसास राखो, असो तम म्हार पे बी बिसास राखो।
 १ म्हेारा पिता का घर माय रेवा की नरी जगा हे। अगर नी होती तो हूं तमार से कई देतो, क्योंकि हूं तमारा सरु जगा तय्यार करवा जउं।
 २ अने हूं जई के तमारा सरु जगा तय्यार करी लाखुं तो पाछो अई के तमारे अपणा यां लई जउंवां के जां हूं रू वां तम

बी रो।
 ४ अने जां हूं जई र्यो हूं तम वां को मारग जाणो हो।"

५ थोमा ने उकासे क्यो, "हे परभु, हम नी जाणा के तू कां जई र्यो, तो मारग कसे जाणां?"

६ ईसु ने उकासे क्यो, "मारग, सच्चई, अने जीवन हूंज हे। म्हारा बिना कई को पिता कने नी जई सकतो।
 ७ अगर तमने म्हारे जाण्यो होतो तो म्हारा पिता के बी जाणता। अबे उके जाणो हो अने उके देख्यो बी हे।"

८ फिलिप्पुस ने उकासे क्यो, "हे परभु, हमारे पिता को दरसन करई दे। हमारा सरु योज घणो हे।"

९ ईसु ने उकासे क्यो, "फिलिप्पुस, हूं इतरा बखत से तमारा गेले र्यो फेर बी तू म्हारे नी जाणे? जेने म्हारे देख्यो उने पिता के देख्यो। तू कसे कई र्यो 'हमारे पिता को दरसन करई दे'?
 १० कई तू बिसास नी करे के हूं पिता माय अने पिता म्हारा माय? जो बचन हूं तमार से कूं उ अपणा आड़ी से नी कूं, पण पिता जो म्हारा माय रे, उज अपणो काम म्हार से कराय हे।
 ११ म्हारा बचन पे बिसास करो के हूं पिता माय अने पिता म्हार माय। नितो म्हारा कामीज देखी के बिसास करो।
 १२ "हूं तमार से खास बात कूं के जो म्हार पे बिसास करे, वी काम जो हूं करूं उ बी करेगा। अने इणकासे बी बड़ा-बड़ा काम करेगा क्योंकि हूं पिता कने जई र्यो हूं,
 १३ अने जो कई तम म्हारा नाम से मांगी लोगा, उज करूंवां के बेटा माय पिता की म्हेमा होय।
 १४ अगर तम म्हार से म्हारा नाम माय कई बी मांगो तो हूं उके करूंवां।"

पवित्र आत्मा को करार

१५ "अगर तम म्हार से परेम राखो तो म्हारा हुकमहुंण के मानोगा, १६ अने हूं पिता से अरज करुंवां, अने पिता तमारी मदद करवा सरु एक हजु साती देगा के उ तमारा गेले सदा रे। १७ याने के पवित्र आत्मा जो तमारे सगळी सचचई बताड़ेगा। जेके जगत मानी नी सके क्योँके उ उके नी देखे हे अने नी जाणे। पण तम उके जाणो, क्योँके उ तमारा गेले रे अने तमारा माय रेगा।

१८ "हूं तमारे अनाथ नी छोड़ुंवां। हूं तमारा कने अउंवां। १९ जरा देर बाद जग का लोग म्हारे देखी नी सकेगा, पण तम म्हारे देखी सकोगा। हूं जिन्दो हूं, इकासरु तम बी जिन्दा रोगा। २० उना दन तम जाणी जावगा के हूं अपना पिता माय, अने तम म्हारा माय, अने हूं तमारा माय।

२१ जेका कने म्हारा हुकमहुंण हे अने उ उके माने, उज म्हार से परेम करे हे। अने जो म्हार से परेम करे उकासे म्हारो पिता परेम करेगा, अने हूं उकासे परेम करुंवां अने अपने खुद के उका पे परगटुंवां।

२२ यहूदा ने जो इस्करियोती नी थो उकासे क्यो, "परभु, असो कई होयो के तू खुद के हमार पे परगटे पण जग पे नी?"

२३ ईसु ने जुवाब दइने क्यो, "अगर कई को म्हार से परेम राखे तो उ म्हारा

बचन के मानेगा। अने म्हारो पिता उकासे परेम राखेगा अने हम उका कने आवांगां अने उका गेले रांगा। २४ जो म्हार से परेम नी करे, उ म्हारा बचन के नी माने। जो तम बचन सुणो उ म्हारो नी पण पिता को जेने म्हारे मोकल्यो।

२५ "ई बातहुंण तमारा गेले री के तमार से करी। २६ पण साती याने पवित्र आत्मा जेके परमेसर पिता म्हारा नाम से मोकलेगा, उ तमारे सगळी बातहुंण सीखई देगा, अने सगळो कई जो म्हने तमार से कई, तमारे रियाद करायगा।

२७ "हूं तमारे सांती दर्ई जउं। खुद की सांती तमारे दउं असो नी दउं जसो जग तमारे दे। तो तमारो हिरदो बेचेन नी होय अने नी डरे। २८ तमने सुणयो के म्हने तमार से क्यो, हूं जई र्यो अने पाछो तमारा कने अउंवां। अगर तम म्हार से परेम राखता तो खुस हुई जाता क्योँके हूं पिता कने जई र्यो, क्योँके पिता म्हार से बड़ी के हे। २९ अने असो होवा से पेलां म्हने तमारे सगळो बताड़ी लाख्यो थो, जेकासे के जदे यो हुई जाय तो तम म्हार पे बिसास करो। ३० हूं तमार से अबे हजु नी कुंवां क्योँके इना जग को सासक सेतान अई र्यो हे। उको म्हार पे कई हक हयनी, ३१ पण इकासरु के जग जाणी ले के हूं पिता से परेम करुं हे अने जसे पिता म्हारे हुकम दे वसोज उको पाळण करुं।

"तो चलो, उठ्याव, इनी जगा से चला।"

८ १४.३१ जसे ... हुकम दे; पिता की योजना थी के ईसु जग का सासक का हाते मरे। हुकम थो के ईसु मोत पे बिजय हुई के, एक नवा राज सरु जी उठ्यायगा।

ईसु सांची अंगूर बेल

१५ "सांची अंगूर बेल हूंज हे, अने म्हारो पिता किरसाण। २हर डगाळ जो म्हारा माय हे अने नी फळे उके काटी लाखे, अने जो डगाळ फळे उकी उ छटणी करी लाखे के हजु फळे। ३तम उना बचन से जो म्हने तमार से क्यो, फळ लावा सरु सुद्धिकरण हुई ग्यो। ४तम म्हार माय बण्या रो५ उने हूं तमार माय। जसे डाळ अगर अंगूर बेल माय नी लागी रे तो एखली नी फळी सके वसेज तम बी म्हारा माय बण्या बिना एखला नी फळी सको।



अंगूर (JHN १५.५)

५ "हूं अंगूर बेल, तम डगाळहुंण। जो म्हारा माय बण्यो रे अने हूं उका माय

उ घणो फळे क्योके म्हार से इकाडी हुई ने तम कइंनी करी सको। ६अगर कई को म्हारा माय बण्यो नी रे तो उ डगाळ सरीको फेंक्यो जाय अने सुकी जाय। उने मनखहुंण उणके भेळा करिके भस्ती माय लाखी दे अने वी बळी जाय। ७अगर तम म्हारा माय बण्या रो, अने म्हारा बचन तमारा माय बण्या रे तो जो चाव मांगिलो उ तमारा सरु हुई जायगा। ८म्हारा पिता की म्हेमा इका सेज होय के तम घणो फळ लाव, जदेज तो तम म्हारा चेला हो। ९"जसे पिता ने म्हार से परेम क्यो, म्हने बी तमार से परेम क्यो। म्हारा परेम मायज बण्या री जो। १०अगर तम म्हारा हुकमहुंण के पाळोगा तो म्हारा परेम माय बण्या रोगा। वसोज जसो म्हने अपणा पिता का हुकमहुंण को पाळण क्यो अने उका परेम माय बण्यो र्यो हूं।

११ई बातहुंण म्हने तमार से इकासरु करी, के म्हारो आनन्द तमारा माय बण्यो रे अने तमारो आनन्द पूरण हुई जावे। १२ "म्हारो हुकम यो के जसो म्हने तमार से परेम राख्यो असोज तम बी एक दूसरा से परेम राखो। १३इका से बडो परेम हजु कई को हयनी के अपणा दोस सरु अपणी जान दई दे। १४जो हुकम हूं तमारे दउं अगर उके मानोगा तो तम म्हारा दोसहुंण हो। १५अबे से हूं तमारे गुलाम नी कू, क्योके गुलाम नी जाणे के

^d १५.४ तम ... बण्या रो; जसेके ईसु बिना परमेसर के कई को काम नी करतो थो (योहान ५:१९)। सिरप उ रस्तो जेका माय ईसु का साते मिळी के सामरत का साते परमेसर की सेवा करी जई सकती हे; अने अगर ईसु माय बण्या होया हो तो इको जुवाब १० आयत माय द्यो हे - अगर तम म्हारा हुकमहुंण के मानो तो म्हारा परेम माय बण्या रोगा।

^f १५.१२: योहान १३.३४, १५.१७; १ योहान ३.२३; २ योहान ५

उको मालेख कई करे। पण म्हने तमारे दोस क्यो, क्योके वी सगळी बातहुण जो म्हने अपणा पिता से सुणी, तमारे बतई दी। ^{१६}तमने म्हारे नी छांट्यो पण म्हने तमारे छांट्या अने तमारे तमारो काम दई द्यो के तम जाव अने सफल रो अने तमारी सफलता बणी रे। तो तम म्हारा नाम से जो कई परमेसर पिता से मांगोगा उ तमारे देगा। ^{१७}हूं तमारे ई हुकमहुण इकासरु दउं की तम एक दूसरा से परेम राखो।

जग ईसु का चेलाहुण को बेरी

^{१८}"अगर जग का लोग तमार से मुन्डो फेरिले तो तम जाणो के उणने तमार से पेलान् म्हार से मुन्डो फेर्यो हे। ^{१९}तम जग का होता तो जग अपणा जसा परेम राखतो, पण इकासरु के तम जग का हयनी क्योके म्हने तमारे जग माय से छांटी ल्या। इकासरु जग तमार से मुन्डो फेरे हे। ^{२०} उ बचन जो म्हने तमार से क्यो रियाद राखो, गुलाम अपणा मालेख से मोटो हयनी। अगर जग का लोगहुण ने म्हारे सताइयो तो वी तमारे बी सताड़ेगा। अगर वी म्हारी बात माने तो तमारी बात बी मानेगा। ^{२१}पण जग का लोगहुण तमारा गेले असो करेगा क्योके तम म्हारे मानो हो, क्योके वी उके नी जाणे जेने म्हारे मोकल्यो। ^{२२}अगर हूं नी आतो अने उणकासे बातहुण नी करतो तो वी पापी नी रेता। पण अबे अपणा पाप सरु उणका कने कई को भायनो हयनी। ^{२३}जो म्हार से मुन्डो फेरे उ म्हारा पिता

से बी मुन्डो फेरे। ^{२४}अगर हूं उणका माय वी काम नी करतो जिणके कईका दूसरा ने नी कर्या, तो वी पापी नी रेता। हालाके अबे उणने म्हारा अचरज का काम देख्या अने म्हारा पिता के बी देख्या, अने उणने म्हार से अने म्हारा पिता दोई सेज मुन्डो फेर्यो। ^{२५} पण उणने असो इकासरु कर्यो के उ बचन पूरण होय जो उणका नेम-बिधान माय लिख्यो, 'उणने बिना वजा म्हार से मुन्डो फेरिल्यो।'

^{२६}"जदे उ मदद करवा वाळो आयगा, जेके हूं पिता आड़ी से तमारा कने मोकलुंवा याने सचई को आतमो जो पिता से हिटे हे, उ म्हारा बारामें गवई देगा। ^{२७}अने तम बी म्हारा बारामें बताडोगा क्योके तम सुरु सेज म्हारा गेले र्या हो।"

"ई बातहुण तमार से इकासरु ^{१६} करी के तम ठोकर खावा से बच्या रो। ^२लोग तमारे अराधनालयहुण माय से बायरे हेडी लाखेगा, अने उ बखत अई र्यो हे के जो कई को तमारे मारी लाखेगा, उ समजेगा के हूं परमेसर की सेवा-चाकरी करी र्यो हूं। ^३अने वी असो इकासरु करेगा क्योके उणने नी तो पिता के अने नी म्हारे जाण्यो। ^४अने ई बातहुण म्हने इकासरु करी के जदे बखत आय तो तम रियाद राखो के म्हने इणका बारामें बताडी द्यो थो।

पवितर आतमा का काम

"ई बातहुण म्हने तमार से इकासरु सुरु माय नी करी क्योके हूं तमारा गेले

थो, ^{१६.४}पण अबे हूं अपना मोकलवा वाळा कने जई र्यो हूं, अने तमारा माय से कई को म्हार से नी पुछे, 'तू कां जई र्यो?' ^{१६.५}पण इकासर के म्हने ई बातहुंण तमार से कई, तमारो हिरदो दुःख से भरई गयो। ^{१६.६}पण हूं तमार से खास बात कूं के म्हारो जाणो तमारा सरु फायदाबन्द हे, क्योँके अगर हूं नी जउं तो उ मदद करवा वाळो तमारा कने नी अई सकेगा। पण अगर हूं जउं जदे उके तमारा कने मोकलुंवां। ^{१६.७}अने जदे उ आयगा तो जग का पाप अने धारमिकता अने न्याव का बारामें दोषी ठेरई के चुप करी लाखेगा। ^{१६.८}लोगहुंण का पाप का बारामें इकासर के वी म्हार पे बिसास नी राखे, ^{१६.९}उने लोगहुंण की निरदोसिता का बारामें, इकासर के हूं पिता कने जउं, अने तम म्हारे पाछो नी देखोगा, ^{१६.१०}अने लोगहुंण का न्याव का बारामें इकासर के जग को सासक दोषी ठेराइयो हे।^{१६}

^{१२}"म्हारे तमार से हजु बी घणी बातहुंण करनी हे, पण तम अबी उणके सेन नी करी सकोगा। ^{१३}पण जदे उ आयगा याने पवितर आतमा जो परमेसर का बारामें सच्चई सिखायगा, उ तमारे सगळो सच्चई को मारग बतई देगा,

क्योँके उ अपना आडी से कइंनी केगा पण जो कई सुणेगा, वाज बात केगा, अने आवा वाळी बातहुंण के तमार पे परगटेगा। ^{१४}उ म्हारी म्हेमा करेगा, क्योँके उ म्हारी बातहुंण के लई ने तमार पे परगटेगा। ^{१५}जो कई पिता को, उ सगळो म्हारो। इकासर म्हने क्यो, उ म्हारी बातहुंण के लई ने तमार पे परगटेगा।

तम जो दुःख्या हो खुसी मनावगा

^{१६}"जरा देर माय तम म्हारे नी देखी सकता अने जरा देर माय तम म्हारे देखी सकोगा।"

^{१७}तो उका चेलाहुंण माय से कई को बोल्यो, "या कई बात, जो उ हमार से कई र्यो, 'जरा देर माय तम म्हारे नी देखोगा, अने पाछा जरा देर माय तम म्हारे देखोगा'? अने दूसरी बात या 'क्योँके हूं पिता कने जउं' हे। ^{१८}यो कई जो उ के, 'जरा देर माय'? हम नी जाणा की उ कई कई र्यो हे।"

^{१९}ईसु ने यो जाणी के के वी म्हार से सवाल करनो चावे, उणकासे क्यो, "कई तम इनी बात का बारामें माय-माय सौँची बिचारी र्या जो म्हने करी 'जरा देर माय

^{१६.४} क्योँके हूं तमारा गेले थो; जदे ईसु चेलाहुंण का गेले थो, लोग ईसु के सताइता था नीके उका चेलाहुंण के। पण ईसु का जावा का बाद, लोगहुंण ने उका चेलाहुंण के सताइया। (इकासर के ईसु ने पेलांज कई द्यो थो मरकुस २:२०)। ^{१६.१०} इकासर ... कने जउं; ईसु मसीह लम्बा बखत सरु धरती पे नी र्यो थो, तो जग का लोगहुंण के ईसु की धारमिकता नगे नी अई। पण पवितर आतमा ने चेलाहुंण का गेले मिळी के ईसु मसीह की धारमिकता के दिखई के, जग की धारमिकता गलत हे उणका बिचार सई हे। ^{१६.११} जग को ... ठेराइयो; जग का सासक, याने सेतान, के मानवा वाळा। इका से के वी ईसु का बारामें गलत न्याव करे (योहन् ८:४२-४७)। जदे परभु ईसु कुरुस पे मरी के सरग माय राज करवा सरु जी उठ्यो तो सेतान को न्याव ईसु का बारामें गलत हुई गयो अने सेतान का मानवा वाळाहुंण को न्याव बी।

म्हारे नी देखोगा अने पाछा जरा देर माय म्हारे देखोगा? २० हूं तमार से खास बात कूं के तम रोवगा उने कळपोगा, पण जग खुसी मनायेगा। तम दुःख माय रोगा पण तमारो दुःख खुसी माय बदली जायगा।^१ २१ जदे कइंकी बइरा के जापा को दरद होय तो उके घणी पीड़ा होय, क्योंकि उको बखत अई गयो हे, पण जदे वा बाळक के जणी दे, तो उना दरद के इना आनन्द से के जग माय एक मनख पेदा हुई गयो भुली जाय। २२ इकासरु तमारे अबी तो दुःख हे, पण हूं तमारे पाछो मिळुंवां जदे तमारा हिरदा आनन्द से भर्या रेगा, उने तमारी खुसी के कई को बी तमार से छुड़ई नी सके।

२३ उना दन तम म्हार से कई को सवाल नी पुछोगा। हूं तमारे सांची-सांची कूं अगर तम परमेसर पिता से कई बी म्हारा नाम से मांगोगा तो उ तमारे दई देगा। २४ अबी तक तमने म्हारा नाम से कइंनी मांग्यो। मांगो अने तमारे मिळेगा जेकासे तमारी खुसी पूरण हुई जाय।

जग पे जे जेकार

२५ ई बातहुंण म्हने तमार से मिसाल माय करी, पण उ बखत अई र्यो जदे हूं पाछो तमार से मिसाल माय नी कुंवां, पण तमारे पिता का बारामें साफ कई दूंवां। २६ उना दन तम म्हारा नाम माय मांगोगा, अने हूं तमार से या नी कुंवां के तमारा सरु पिता से अरज करूंवां।

२७ क्योंकि पिता खुदज तमार से परेम राखे, इकासरु की तमने म्हार से परेम राख्यो उने यो बिसास कर्यो के हूं परमेसर पिता आडी से आयो हूं। २८ हूं पिता परमेसर आडी से परगट्यो अने जग माय आयो हूं, हूं पाछो जग के छोड़ी के पिता कने जई र्यो हूं।"

२९ उका चेलाहुंण ने क्यो, "अबे तू साफ कई र्यो हे, अने मिसाल दई के नी कई र्यो। ३० अबे हम जाणा की तू सगळो कंई जाणे हे अने इकी जरुवत हयनी के कई को थार से सवाल करे। इका से हम बिसास करां के तू परमेसर से हिट्यो हे।"

३१ ईसु ने जुवाब द्यो, "कंई तम अबे बिसास करो हो? ३२ देखो वा घड़ी अइरी बल्के अइगी के तम खक्कळ-बक्कळ हुई के अपणा-अपणा घरे चल्या जावगा, अने म्हारे एखलो छोड़ी लाखोगा। फेर बी हूं एखलो हयनी क्योंकि परमेसर पिता म्हारा गेले हे। ३३ ई बातहुंण म्हने तमार से करी के तम म्हारमैज सांती पावजो। जग माय तमारे दुःख होय, पण हिम्मत राखो, म्हने जग के जीती ल्यो हे।"

म्हापुरोहितीय पराथना

ईसु ने ई बातहुंण कई के अपणी १७ आंखहुंण सरग आडी उठाडी के क्यो, "हे पिता, वा घड़ी अइगी। अपणा बेटा की म्हेमा कर, के बेटो बी थारी म्हेमा करे। २ तने तो म्हारे आखी

^१ १६.२० तमारो दुःख ... बदली जायगा; ईसु अपणी मोत अने अपणा जी उठवा की भविसबाणी करी र्यो हे (आयत २०-२२)। ^२ १६.३० तू सगळो कंई ... सवाल करे; (१९ आयत) तो उकासे सवाल पुछवा की जरुवत हयनी सिरप परमेसर मनखहुंण का बिचारहुंण के जाणे हे। वी मानी गया के ईसु परमेसर आडी से आयो हे।

मनखजात पे हक द्यो हे के हूं सगळा के जिणके तने म्हारे द्या हे अजर-अमर जीवन दउं। ^३अने अजर-अमर जीवन यो के वी थारे जो एकज सांचो परमेसर हे जाणे, अने म्हारे बी याने ईसु मसीह के जाणे जेके तने मोकल्यो हे। ^४जो काम तने म्हारे करवा सरु द्या उणके पूरण करिके म्हने धरती पे थारी म्हेमा करी। ^५हे पिता, अबे तू अपणा गेले म्हारी म्हेमा, उनी म्हेमा से कर जो जग का पेलां से थारा गेले म्हारी थी।

६"म्हने थारो नाम उना मनखहुंण पे परगट्यो, जिणके तने जग माय से म्हारे द्या। वी थारा था अने तने उणके म्हारे द्या, अने उणने थारा बचन के मानी ल्यो। ^७अबे वी जाणी गया के जो कई तने म्हारे द्यो, उ सगळो थारा अई से हे। ^८क्योंके वी बचन जो तने म्हारे द्या, वी म्हने उणका तक पोंचई लाख्या। उणने उना बचनहुंण के मानी ल्या अने सांची माय जाणी ल्यो के हूं थार से हिट्यो हूं अने उणने बिसास कर्यो के तनेज म्हारे मोकल्यो हे।

९"हूं उणका सरु अरज करूं। जग सरु अरज नी करूं, पण उणका सरु जिणके तने म्हारे द्या, क्योंके वी थारा हे। ^{१०}अने सगळो कई लोग जो म्हारा हे वी थारा हे, अने जो थारा हे वी म्हारा हे। अने इणका माय म्हारी म्हेमा परगटी हे।

^{११}अबे हूं जग माय नी रंवां। हूं थारा कने अउं हे, पण ई जग माय रेगा। पवित्तर परमेसर पिता, अपणी सामरत से जो तने म्हारे दई, इणकी चोकसी कर, के जसा हम एक हे वी बी एक रे। ^{१२}जदे हूं उणका गेले थो, म्हने थारी सामरत से जो तने म्हारे दई उणकी मदद करी। अने दुस्ट का बेटा का अलावा उणका माय से कई को नास नी होयो, इकासरु के धरम सासतर की बात पूरण हो। ^{१३}"पण अबे हूं थारा कने अउं, अने या बात जग माय कूं के म्हारा चेलाहुंण माय म्हारो आनन्द पूरण होय। ^{१४}म्हने उणके थारा बचन दई द्या, अने जग ने उणकासे मुन्डो फेर्यो, क्योंके जसो हूं जग को हयनी वसाज वी बी जग का हयनी। ^{१५}हूं थार से यां अरज नी करूं, के तू उणके जग से उठई ले, पण या की तू उणके उनी बुरई^क से बचाडी राख। ^{१६}वी जग का हयनी जसो की हूं बी जग को हयनी। ^{१७}सच्चई आडी से उणके पवित्तर करी दे - थारा बचन सांचा हे। ^{१८}जसो तने म्हारे जग माय मोकल्यो, म्हने बी उणके जग माय मोकल्यो हे। ^{१९}अने हूं उणका सरु खुदी के पवित्तर करूं के वी बी सच्चई से थारा सरु पवित्तर कर्या जावे।

२०"हूं सिरप इना चेलाहुंण सरु अरज नी करूं पण उणका सरु जो इणका बचन से म्हार पे बिसास करेगा, ^{२१}के वी

/ १७.११ अपणी सामरत से; यूनानी माय, अपणा नाम माय। परमेसर को नाम उका सुभाव, सामरत, अने ताकत के परगटे हे। जो ईसु मसीह का नाम का बारामें बी एक सरीकी हे। ईसु, पिता परमेसर से कई र्यो के "म्हने थारो नाम उना मनखहुंण पे परगट्यो, जिणके तने जग माय से म्हारे द्या। वी थारा था अने तने उणके म्हारे द्या, अने उणने थारा बचन के मानी ल्यो" (योह्न ७:६)।

^क १७.१५ बुरई; दुस्टता, सेतान।

[†] १७.१२: भजन संहिता ४१.९; योह्न १३.१८

सगळा एक रे। जसे, हे पिता, तू म्हाऱा माय अने हूं थारा माय हूं वसाज वी बी हमार माय एक रे जेकासे के जग बिसास करे के तनेज म्हाऱे मोकल्यो। २२ अने वा म्हेमा जो तने म्हाऱे दई, म्हने उणके दई हे, के वसाज एक रे जसा हम एक हे। २३ हूं उणका माय अने तू म्हाऱ माय के वी सिद्ध हुई के एक हुई जाय। जेकासे जग जाणे के तने म्हाऱे मोकल्यो अने जसो तने म्हाऱ से परेम राख्यो वसोज उणकासे बी परेम राख्यो।

२४ "हे पिता, हूं चउं के वी जिणके तने म्हाऱे द्या, जां हूं रूं वांज वी बी म्हाऱा गेले रे, के वी म्हाऱी म्हेमा के देखी सके जो तने म्हाऱे दई, क्योँके तने जगत के बणावां से पेलां म्हाऱ से परेम राख्यो। २५ हे धरम पिता परमेसर, हालाके जग ने थारे नी जाण्यो फेर बी म्हने जाण्यो हे अने इना चेलाहुंण ने बी जाण्यो के तनेज म्हाऱे मोकल्यो हे। २६ अने म्हने थारो नाम इणके बताइयो अने बताइतो रूंवां, के उ परेम जो तने म्हाऱ से कर्यो उ परेम उणका माय बण्यो रे, अने हूं बी उणका माय रूं।"

ईसु के गिरपतार करनौ

(मती २६:४७-५६; मरकुस १४:४३-५०;

लूका २२:४७-५३)

जदे ईसु ई बातहुंण करी चुक्यो, १८ तो उ अपणा चेलाहुंण का गेले किद्रोण का नाळा का पार ग्यो जो एक बाग थो जेका माय उ खुद अने उका चेलाहुंण अई ग्या। २ यहूदा बी जो उके

पकड़वाणे पे थो, उनी जगा के जाणतो थो, क्योँके ईसु ज्यादा करिके अपणा चेलाहुंण का गेले वांज जाया करतो थो। ३ तो यहूदा, रोमी सेना को दळ के, अने मुख-पुरोहितहुंण अने फरीसिहुंण आडी से यहूदी सिपईहुंण के लई के वां लालटेन, मसाळहुंण अने हतियार धारण करिके अई ग्यो। ४ इकासरु ईसु उनी सगळी बातहुंण के जो उका पे आणे वाळी थी जाणी के, अगड़े बड़्यो अने उणकासे बोल्यो, "तम किके दुंडी र्या हो?"

५ उणने जुवाब द्यो, "ईसु नासरी के।"

उने उणकासे क्यो, "हूंज हूं।"

अने यहूदा बी जो उके पकड़वाणे वाळो थो, उणका गेले उब्यो थो। ६ जदे उने उणकासे यो क्यो "हूंज हूं" तो वी पाछे सरक्या अने जमीन पे हिटी पड़्या। ७ तो उने पाछो पुछ्यो, "तम के के दुंडी र्या हो?"

वी बोल्या, "ईसु नासरी के।"

८ ईसु ने जुवाब द्यो, "हूं तमार से कई चुक्यो के 'हूं उज हूं'। तो अगर तम म्हाऱे दुंडी र्या हो तो इणके जावा दो।" ९ जेकासे के उ बचन पूरण होयो जो उने क्यो थो, "पिता, जिणके तने म्हाऱे द्या उका माय से म्हने एक बी नी खोयो।"

१० इका पे सिमोन पतरस ने जेका कने तरवार थी, खेंची के म्हापुरोहित का गुलाम पे चलाडी अने उको सुदो कान काटी लाख्यो। उना गुलाम को नाम मलखुस थो। ११ जदे ईसु ने पतरस से क्यो, "तरवार म्यान माय राख। जो दुःख

को प्यालो पीवा सरु म्हारा पिता ने द्यो, कंई हूं उके नी प्यूं?"

पेलां हन्ना का यां लई गया

१२तो रोमी सेना को दळ अने सेना को हाकिम^१ अने यहूदी सिपई ने ईसु के गिरपतार करिके बान्दी ल्यो, ^{१३}अने पेलां उके हन्ना कने लई गया। क्योंकि उ उना बरस को म्हापुरोहित काइफा को सुसरो थो। ^{१४}काइफाज थो, जेने यहूदी अगवाहुंण के राय दई थी के "हमारा लोगहुंण सरु एक मनख को मरनो अच्छो हे।"

पतरस ने जदे नकार्यो

(मती २६:६९-७०; मरकुस १४:६६-६८;

लूका २२:५५-५७)

^{१५}सिमोन पतरस अने हूं^म ईसु का पाछे-पाछे चली पड़्यो। अने हूं ईसु का गेले म्हापुरोहित का आंगणा माय अई ग्यो, ^{१६}पण पतरस बायरे कमांड कने उबो र्यो। तो हूं बायरे हिट्यो अने नेपादारनी से कई के पतरस के भित्तरे लई ग्यो। ^{१७}तो दासी जो घर की नेपादारनी थी पतरस से क्यो, "कंई तूज तो इना मनख का चेलाहुंण माय से नी हे?"

उने क्यो, "हूं नी हूं।"

^{१८}वां सेवक अने सिपई कोयला बाळी के उबा हुई के तापी र्या था क्योंकि ठण्ड थी अने पतरस बी उणका गेले उबो हुई के तापी र्यो थो।



ईसु म्हायाजक का सार्मे (JHN १८:१९)

ईसु से म्हापुरोहित का सवाल

(मती २६:५९-६६; मरकुस १४:५५-६४;

लूका २२:६६-७१)

^{१९}तो म्हापुरोहित ने ईसु से उका चेलाहुंण अने उकी सीखहुंण का बारामें सवाल कर्या। ^{२०}ईसु ने उके जुवाब द्यो, "म्हने जग माय खुली के बात करी। म्हने हमेस्या अराधनालयहुंण अने मन्दर माय जां सगळा यहूदी भेळा होया करे सीख दई अने म्हने गुपत माय कइनी क्यो। ^{२१}तू म्हार से कायबले पुछी र्यो? सुणवा वाळा से पुछी ले के म्हने उणका से कंई-कंई क्यो। उ पक्को जाणे हे के म्हने कंई क्यो।"

^{२२}अने जदे उने यो क्यो, तो कने उबा सिपईहुंण माय से एक ने यो कई के उके मुक्को मार्यो, "कंई तू म्हापुरोहित के असो जुवाब दे?"

^१ १८.१२ सेना को हाकिम; यूनानी भासा माय, खिलिअखांस याने १००० सिपईहुंण को हाकिम।

^म १८.१५ हूं; यूनानी माय दूसरो चेलो जो म्हापुरोहित की जाण-पेचाण को थो। उ योहन् थो (योहन् १३:२३)।

[†] १८.१४: योहन् ११.४९, ५०

२३ ईसु ने उके जुवाब द्यो, "अगर म्हने बुरो क्यो, तो उके साबित कर, पण अगर अच्छो क्यो, तो तू म्हारे मारे कायसरु?"

२४ तो हन्ना ने उके काइफा म्हापुरोहित कने बान्दयो होयो मोकल्यो।

पतरस ने पाछो नकार्यो

(मती २६:७१-७५; मरकुस १४:६९-७२;

लूका २२:५८-६२)

२५ सिमोन पतरस उबो हुई ने तापी र्यो थो। तो उणने उकासे क्यो, "कई तूज तो उका चेलाहुंण माय से हयनी?"

उ नी मान्यो, पण उने क्यो, "नी हूं हयनी।"

२६ म्हापुरोहित का सेवकहुंण माय से जो उना मनख को परवार को थो जेको कान पतरस ने काटी लाख्यो थो क्यो, "कई म्हने थारे उका गेले बगीचा माय नी देख्यो थो?"

२७ तो पतरस पाछो नटी ग्यो, अने मुरगा ने झट बाग दर्ई दी।

पिलातुस का सामे ईसु

(मती २७:१-२, ११-१४; मरकुस १५:१-५;

लूका २३:१-५)

२८ अने यहूदी अगवाहुंण ईसु के काइफा कने से रोमी राजपाल का म्हेल माय लई गया अने भुनसारा को बखत थो। उणने खुद राजम्हेल माय पग नी धर्या के कई असुद्ध नी हुई जावां पण फसह खई सके।

२९ तो पिलातुस बायरे हिटी के उणका कने आयो अने बोल्थो, "तम इना मनख पे कई दोष लगाडो हो?"

३० उणने उके जुवाब माय क्यो, "अगर यो मनख कुकरमी नी होतो तो हम इके थारा हात माय कायसरु देता?"

३१ तो पिलातुस ने उणकासे क्यो, "तम इके लइ-जई के अपणा नेम-बिधान का नेम मुजब न्याव करो।"

उणने उकासे क्यो, "हमारे कइंका के मोत की सजा देवा को हक हयनी।" ३२ यो इकासरु होयो के ईसु का वी बचन पूरण होय जो उने अगम बतई द्या था के उकी मोत कसे होयगा।

३३ तो पिलातुस पाछो राजम्हेल माय ग्यो अने ईसु के बुलाडी के उकासे क्यो, "कई तू यहूदिहुंण को राजो हे?"

३४ ईसु ने उके जुवाब द्यो, "कई या बात तू अपणा आडी से बोली र्यो हे के कइंका ने थार से म्हारा बारामें कई?"

३५ पिलातुस ने जुवाब द्यो, "कई हूं यहूदी हूं? थाराज जात का, अने मुख-पुरोहितहुण नेज थारे म्हारा हात माय द्यो। तने कई कर्यो?"

३६ ईसु ने जुवाब द्यो, "म्हारो राज इना जग को हयनी। अगर म्हारो राज इना जग को होतो तो म्हारा राज दरबारी लइई छेडी देता, के हूं यहूदी अगवाहुंण का हात माय नी पड़तो। बात याज हे के म्हारो राज इना जग को हयनी।"

[॥] १८.२४ काइफा म्हापुरोहित; रोमी राजपाल की नियुक्ती से काइफा उना बरस को म्हापुरोहित हुई ग्यो थो (योह्न ११:५१; १८:१३), पण उका सुसरा हन्ना पेलां म्हापुरोहित थो अने अबे तक नरो ताकतवर थो। नरा यहूदिहुंण ने सई बिचार कर्यो के हन्ना खास म्हापुरोहित हे। इका से लोगहुंण ईसु के पेलां हन्ना कने लई गया, अने हन्ना ने उकासे सवाल कर्या। (योह्न १८:१३, १९)।

^{*} १८.३२: योह्न ३.१४, १२.३२

३७तो पिलातुस ने उकासे क्यो, "तो कंई तू राजो हे?"

ईसु ने जुवाब द्यो, "तू ठीकज के हूं राजो हूं। म्हने इकासरु जनम ल्यो अने इकासरु इना जग माय आयो हूं के सच्चई के सिखाडुं। वी जो सच्चई सिखणो चाय म्हारी बाणी सुणे हे।"

३८पिलातुस उकासे बोल्यो, "सच्चई कंई हे?" अने जदे उ कई चुक्यो तो पिलातुस राजपाल पाछो यहूदिहुंण कने बायरे आयो अने उणकासे क्यो, "हूं उका माय कंई दोष नी पउं।

बरअब्बा के छोइयो जाणो अने ईसु के मोत की सजा

(मती २७:१५-३१; मरकुस १५:६-२०;

लूका २३:१३-२५)

३९पण तमारी रीति मुजब, फसह का परब का दन हूं तमारा सरु एक मनख के छोड़ी लाखु। कंई तम चाव के हूं तमारा सरु यहूदिहुंण का राजा के छोड़ी लाखु?"

४०तो उणने पाछा चिल्लाड़ी के क्यो, "इना मनख के नी पण बरअब्बा के हमारा बले छोड़ी लाख।" अने बरअब्बा लडई-दंगो करवा वाळो डकेत थो।

तो पिलातुस ने ईसु के कोड़ा १९ लगवाइया। २अने सिपईहुंण ने कांटा को मुगुट गुंथिके उका माथा पे

धरी लाख्यो, अने उके बैंगणी पेरावो पेरायो। ३अने वी उका कने अइ-अई के के केवा लाग्या, "हे यहूदिहुंण का राजा परणाम!" अने उके थापड़ मारवा लाग्या।



ईसु का माथा पे कांटा को मोड़ (मुगुट) (JHN १९.२)

४अने पिलातुस राजपाल ने पाछो बायरे हिटी के यहूदिहुंण से क्यो, "देखो, उके बायरे तमारे कने लई र्यो हूं, जेकासे के तम जाणी लो की हूं उका माय कंई दोष नी पई र्यो।" ५जदे ईसु कांटा को मुगुट अने बैंगणी पेरावो पेर्यो होयो बायरे आयो तो पिलातुस ने उणकासे क्यो, "देखो, यो मनख।" ६

जदे मुख-पुरोहितहुंण अने सिपईहुंण ने उके देख्यो तो चिल्लाड़ी पड़्या, "कुरुस पेज चडई दे! कुरुस पे!"^p

^o १९.५ "देखो, यो मनख।"; पिलातुस को यो अनुमान थो के ईसु के असी हालत माय देखी के लोगहुंण को हिरदो पसतावो करेगा। के उ कई को दुःख देवा वाळो मनख नी हे अने नीज रोमी सरकार सरु खतरो हे अने उने अबी तक जो सजा उके दई वा नरी हे। देखो, यो मनख।" याने मनख को बेटो या मसीह। ^p १९.६ कुरुस पेज चडई दे ! कुरुस पे !"; रोमी सासन गंभीर कसूर सरु असी सजा देता था के मुलजिम के लक्कड़ का कुरुस पे उका हात अने पगहुंण माय बड़ा-बड़ा खिल्ला ठोकी लाखता अने उके जदतक टांग्या राखता जदतक के उ मरी नी जातो थो।

पिलातुस ने उणकासे क्यो, "तमीज उके लइ-जई के कुरुस पे चड़ई दो। हूं उका माय कंई दोष नी पई र्यो।"

७ यहूदी अगवाहुंण ने उके जुवाब द्यो, "हमाराज नेम अने उना कायदा से इके मोत की सजा मिळनी चड़ये, क्योंकि उने अपने खुद के परमेश्वर को बेटो बखाण्यो हे।

८ जदे पिलातुस ने या बात सुणी तो घणो डरी ग्यो, ९ तो उने पाछो राजमहेल माय जई के ईसु से क्यो, "तू कां को हे?" पण ईसु ने उके कंई जुवाब नी द्यो।

१० तो पिलातुस ने उकासे क्यो, "कंई तू म्हारे नी बताड़ेगा? कंई जाणे नी के म्हारे थारे छोड़वा अने थारे कुरुस पे चड़ावा को हक हे?"

११ ईसु ने जुवाब द्यो, "अगर थारे अदरे से नी द्यो होतो तो म्हार पे थारो कई को हक नी रेतो। इकासर के जिणने म्हारे थारा हात माय सौंप्यो उणको पाप घणो हे।"

१२ या सुणी के पिलातुस ने उके छोड़वा की कोसिस करी, पण यहूदिहुंण ने चिल्लइ-चिल्लई के क्यो, "अगर तू इना मनख के छोड़े, तो तू केसर म्हाराजा को राज-भगत हयनी। जो कई को अपने खुद के राजो बनाय उ केसर म्हाराजा को बिरोद करे।"

१३ पिलातुस ई बातहुंण सुणी के ईसु के बायरे लइ-यायो, अने न्याव-सिंगासण

पे बेठ्यो याने उनी जगा पे जो चबूतरो केवातो थो। (इबराणी भासा माय गब्वता केवातो थो।) १४ यो फसह की तय्यारी को दन थो उना बखत करीब बारा बज्या था। तो उने यहूदी हाकिमहुंण से क्यो, "देखो, तमारो राजो।"

१५ इका पे वी चिल्लाड़ी के बोल्यो, "लई जा! लई जा! इके कुरुस पे चड़ई दे!"

पिलातुस ने उणकासे क्यो, "कंई हूं तमारा राजा के कुरुस पे चड़उं?"

म्हापुरोहितहुंण ने जुवाब द्यो, "केसर का अलावा हमारो कई को राजो हयनी।"

१६ तो उने कुरुस पे चड़ावा सरु ईसु के उणका हात माय दई द्यो।



ईसु ने कुरुस उठाईयो (JHN १९.१७)

१ १९.१४ बारा बज्या; यूनानी माय, दन को छटवौं घंटो थो। १९.१५ केसर का अलावा हमारो कई को राजो हयनी; यहूदिहुंण को बिसास थो के परमेश्वर का लोगहुंण को परमेश्वर राजो हे (न्याविहुंण ८:२३; १ सेमुएल ८:७, १२:१२)। यां वी के हे के केसर उणको राजो थो, यहूदी अगवाहुंण ने परमेश्वर के ठुकरई लाख्यो अने मसीह के जेके उध्दार करवा मोकल्यो थो ! (लूका १०:१६; योहान:१३:२०, १५, २३)।

ईसु के कुरस पे लटकाइयो जाणो

(मती २७:३२-४४; मरकुस १५:२१-३२;

लूका २३:२६-४३)

१७तो रोमी सिपईहुंण ईसु के लई गया, अने उ अपणो कुरस उठाइतो होयो उनी जगा तक बायरे गयो, जेके खोपड़ी की जगा के हे, जेके इबराणी माय "गुलगुता" के हे। १८वां उणने उके अने उका गेले दो मनखहुंण के कुरस पे चडई लाख्या, एक के इना आड़ी दूसरा के उना आड़ी अने बीच माय ईसु के। १९अने पिलातुस ने दोष-पत्र कुरस पे लगाड़ी द्यो जे पे यो लिख्यो थो, "ईसु नासरी यहूदिहुंण को राजो।" २०तो इना दोष-पत्र के घणा यहूदिहुंण ने बांच्यो, क्योके जेनी जगा पे ईसु के कुरस पे चडई द्यो, वा जगा नगर का कने थी, अने यो पत्र इबराणी, लतीणी, अने यूनानी भासा माय लिख्यो थो। २१तो यहूदिहुंण का मुख-पुरोहित पिलातुस से केवा लाग्या, "'यहूदिहुंण को राजो' मती लिखे, पण यो के 'इने क्यो, हूं यहूदिहुंण को राजो हूं।' "

२२पिलातुस ने जुवाब द्यो, "जेके म्हने लिख्यो तो लिखी द्यो।"

२३जदे सिपईहुंण ने ईसु के कुरस पे चडई द्यो तो उणने उका सगळा पेरवा का लतरा हेइया अने उका चार हिस्सा कर्या, हरेक सिपई सरु एक-एक हिस्सो। असोज चोळो बी हेडी ल्यो जो बिना सिल्यो अदरे से निच्चे

तक बुण्यो होयो थो। २४[†] तो उणने माय-माय क्यो, "हम इके नी फाड़ा, पण इकासरु चिट लाखां के यो के को होयगा।" जेकासे के पवित्तर सासत्तर की बात पूरण होय,

"उणने म्हारा सगळा लतरा माय-

माय बांटी ल्या,

अने म्हारा चोळा पे चिट

लाखी।"

२५इकासरु सिपईहुंण ने असो कर्यो। ईसु का कुरस कने उकी मेतारी अने उकी मेतारी की बेन, क्लोपास की घराळी मरियम, अने मरियम मगदलीनी उबी थी। २६जदे ईसु ने अपणी मेतारी, अने म्हारे^{*} जेकासे उ परेम राखतो थो। कने उबा होया देख्या तो अपणी मेतारी से बोल्यो, "हे नारी, देख यो थारो बेटो।"

२७अने म्हार से क्यो, "देख, या थारी मेतारी।" अने उना बखत से हूं मरियम के अपणा घरे लई गयो।

ईसु की मोत

(मती २७:४५-५६; मरकुस १५:३३-४१;

लूका २३:४४-४९)

२८[†] इका बाद ईसु ने या जाणी के के सगळो कंई पूरण हुई चुक्यो। इकासरु के पवित्तर सासत्तर की बात पूरण होय, उने क्यो "हूं तिरस्यो हूं।"

२९वां सिरका से भर्यो एक बरतन धर्यो थो, तो उणने पाणी के चुसवा वाळी चीज के सिरका माय लाखी के

* १९.२६ म्हारे; यूनानी, उना चेला के जेकासे उ परेम राखतो थो।

† १९.२४: भजन संहिता २२.१८ † १९.२८: भजन संहिता ६९.२१, २२.१५

उके बरु की नुक्की पे धर्यो अने ईसु का मुन्डा से लगाइयो। ^{३०}जदे ईसु ने उ सिरको ल्यो, तो क्यो, "पूरण होयो"।

अने उने माथो लटकई लाख्यो अने जान हिटी गी।

पांसळी माय भालो मारनो

^{३१}इकासरु के उ तय्यारी को दन थो, यहूदी अगवाहुंण ने पिलातुस से अरज करी के उणका पग तोड़या अने उणके उतारया जाये जेकासे की सबत् का दन उणकी लोथ कुरुस पे नी टंगी रे। ^{३२}तो सिपईहुंण ने अई के पेलां डाक् की, अने दूसरा डाक् की जो उका गेले कुरुस पे चड़ाया था टांग तोड़ी लाखी, ^{३३}पण जदे उणने ईसु कने अई के देख्यो की मरी ग्यो, तो उकी टांग नी तोड़ी। ^{३४}पण सिपई माय से एक ने उकी पांसळी के भेदी लाखी अने झट उका माय से लोई अने पाणी बड़ हिट्यो। ^{३५}म्हने यो देख्यो अने उकी गवई दई, अने म्हारी गवई सांची हे। हूं खुद जाणूं अने सांची कूं, जेकासे की तम बी बिसास^१ करो। ^{३६}ई बात इकासरु हुई की पवित्तर धरम सासत्तर को बचन पूरण होय, "उका एक बी हड़का नी तोड़या जायगा।" ^{३७}पाछा पवित्तर धरम सासत्तर का दूसरा हिस्सा माय लिख्यो हे, "जेके उणने बेदया, वी उके देखेगा।"

ईसु के गाइयो जाणो

(मती २७:५७-६१; मरकुस १५:४२-४७;

लूका २३:५०-५६)

^{३८}इनी बातहुंण का बाद अरमतियाह को यूसफ आयो। उ यहूदिहुंण का डर से गुप-चुप रुप माय ईसु को चेलो थो। पिलातुस से उने अरज करी के उके ईसु की लोथ लई जावा को हुकम दई दे अने पिलातुस ने हुकम दई द्यो। तो उ अई के ईसु की लोथ लई ग्यो। ^{३९}अने नीकुदेमुस बी जो पेलां ईसु कने रात माय आयो थो यूसफ का गेले आयो। उने करीब पचास सेर मिब्ब्यो होयो गुगळ अने एलवा^२ लड़-यायो। ^{४०}तो उणने ईसु की लोथ के लई अने यहूदिहुंण की रीति मुजब उके सुगन से भर्या पदारथ का गेले कफन माय लपेट्यो। ^{४१}उनी जगा पे जां उके कुरुस पे चड़ायो एक बाग थो अने उना बाग माय एक नवी कबर थी जेका माय अबी तक कइंका के नी धर्यो थो। ^{४२}तो यहूदिहुंण की तय्यारी का दन की वजासे अने इकासरु के वा कबर कनेज थी उणने ईसु की लोथ के उका माय मेली दी।

ईसु की रीति कबर

(मती २८:१-८; मरकुस १६:१-८; लूका २४:१-१२)

सबद् बितवा पे हफ्ता का पेलां **२०** दन, मरियम मगदलीनी, घणा

^१ १९.३५ बिसास; थोड़ाक हात का लिख्या होया लेख माय असो हे लगातार बिसास करता रो।

^२ १९.३९ पचास सेर मिब्ब्यो होयो गुगळ अने एलवा; ३२ किलो ७०० गिराम (एलवा - सुगन वाळा झाड़ को रस जेके मर्या मनख पे लगाड़े)।

^३ १९.३६: निरगमन १२.४६; गिणती ९.१२; भजन संहिता ३४.२०

^४ १९.३७: जकरियाह १२.१०; दरसन १.७ ^५ १९.३९: योहन् ३.१-२

भुनसारे जदके अबी इन्दारोज थो कबर पे अई। तो उने सिल्ला के कबर पे से सरकी देखी। ^२तो वा पाटी दई के सिमोन पतरस अने म्हारा कने जेकासे उ परेम राखतो थो। अई अने केवा लागी, "वी परभु के कबर माय से उठाड़ी लई गया, अने हमारे नी मालम की उणने उके कां छिपाडी राख्यो हे।"

^३तो पतरस अने हूं हिटी के कबर आड़ी चली पड़्या। ^४हम दोई गेले-गेल भागी रया था, पण हूं पतरस से घणो तेज दोडी के कबर पे पेलां पोंच्यो। ^५म्हने नमिने भितरे झांक्यो अने कफन इकाड़ी पड़्यो देख्यो, पण हूं भितरे नी ग्यो। ^६तो सिमोन पतरस बी म्हारा पछड़े-पछड़े वां अई ग्यो अने कबर का भितरे जई ने उने लतरा पड़्या देख्या। ^७अने उना लतरा के जेका माय ईसु को माथो लपेट्यो थो, दूसरा लतराहुंण का गेले नी थो पण दूरा पे एक जगा लपेट्यो पड़्यो देख्यो। ^८तो म्हने बी जो कबर पे पेलां अई ग्यो थो भितरे जई ने देख्यो अने देखी के बिसास कर्यो। ^९अबी तक हम पवितर धरम सासतर की वा बात नी समज्या था के मर्या माय से ईसु के जीवतो होणो जरुरी थो। ^{१०}तो हम चेलाहुंण अपणा-अपणा घरे चल्या गया,

मरियम मगदलीनी के ईसु नगे आयो

(मती २८:९-१०; मरकुस १६:९-११)

^१पण मरियम रुदन करती हुई कबर का बायरे उबी री। अने रोती हुई उने

नमिके कबर माय झांक्यो। ^२जां ईसु की लोथ धरी हुई थी वां उने दो सरगदूतहुंण के उजळा लतरा पर्या होया, एक के सिरआणे अने दूसरा के पग आड़ी बेट्या देख्या। ^३अने उणने उकासे क्यो, "हे नारी, तू कायसरु रोई री हे?"

उने सरगदूत से क्यो, "इकासरु के वी म्हारा परभु के उठाड़ी लई गया, अने हूं नी जानूं के उणने उके कां छिपाड़्यो?"

^४या कई के जदे वा पलटी तो ईसु के वां उब्यो देख्यो अने नी ओळख्यो के यो ईसु हे। ^५ईसु ने उकासे क्यो, "हे नारी, तू कायसरु रोई री? तू के के दुंडी री?"

उने उके मांळी जाणी के उकासे क्यो, "परभु, अगर तू उके कई उठाड़ी लई ग्यो



मरियम ईसु के धोक देवा
लागी (JHN २०.१७)

तो म्हारे बतई दे तने उके कां धर्यो हे अने हूं उके लई जउंवां।"

१६ईसु ने उकासे क्यो "मरियम।"

वा पल्टी अने इबराणी माय बोली "रब्बूणी।" (रब्बूणी को अरथ हे, "गरु।")

१७ईसु ने उकासे क्यो, "म्हार से मती चोंट। कयोंके हूं अबी तक पिता कने अदरे नी ग्यो। पण म्हारा भई-बेनहुंण कने जा, अने उणकासे बोल, "हूं अपणा पिता अने तमारा पिता, अने अपणा परमेसर अने तमारा परमेसर कने, अदरे जउं।"

१८तो मरियम मगदलीनी जई के हम चेलाहुंण के बताइवा लागी, "म्हने परभु के देख्यो हे, अने याके उने म्हार से ई बातहुंण करी थी।"

ईसु चेलाहुंण पे परगट्यो

(मती २८:१६-२०; मरकुस १६:१४-१८;

लूका २४:३६-४९)

१९उणाज दन जो हफ्ता को पेलो दन थो, सांज का बखत वां का कमांड जां हम चेलाहुंण था, यहूदिहुंण का डर का मारे बन्द थो। तो ईसु अई के ने हमारा माय उबो हुई गयो अने हमार से क्यो, "तमारे सांती मिळे। २०जदे उ यो कई चुक्यो तो उने अपणी हतेली अने पांसळी दोई दिखाडी। तो हम चेलाहुंण परभु के देखी के घणा खुस हुई गया। २१ईसु ने पाछो हमार से क्यो, "तमारे सांती मिळे। जसे पिता ने म्हारे मोकल्यो, असोज हूं बी तमारे मोकलुं।" २२जदे उ यो कई चुक्यो तो उने हमार पे फूंक्यो अने हमार

से क्यो, "पवित्तर आतमा लो। २३+ अगर तम कइंका का पाप मांफ करोगा, तो वी उणका सरु मांफ हुई गया। अगर तम कइंका का पाप राखो तो वी राख्या गया।"

ईसु, थोमा के नगे आणो

२४पण हम बारा चेलाहुंण माय से एक याने थोमा जो जुडमा केवाइयो जावे, जदे ईसु आयो तो उ हमारा गेले नी थो। २५जदे हम दूसरा चेलाहुंण उकासे केवा लाग्या, "हमने परभु के देख्यो"

तो उने हमार से क्यो, "जदत्तक हूं उका हातहुंण माय खीलहुंण की जगा नी देखी लूं अने हतेळिहुंण का छेद माय अंगळी नी लाखुं अने उकी पांसळी माय अपणो हात नी लाखुं तदत्तक हूं बिसास नी करुंवां।"

२६आठ दन का पाछे हम पाछा एक घर माय था, अने थोमा हमारा गेले थो। जदे कमांड बन्द था, तो ईसु आयो अने हमारा अदाड माय उबो हुई के क्यो, "तमारे सांती मिळे।" २७तो उने थोमा से क्यो, "अपणी अंगळी यां ला, अने म्हारा हातहुंण के देखी ले। अने अपणो हात बडई के म्हारी पांसळी माय लाख। अने बे-बिसासी नी पण बिसासी हुई जा।"

२८थोमा ने जुवाब देता होया उकासे क्यो, "हे म्हारा परभु, हे म्हारा परमेसर!"

२९ईसु ने उकासे क्यो, "तने म्हारे देखी ल्यो कंई इकासरु बिसास कर्यो? धन्य हे वी जिणने म्हारे नी देख्यो फेर बी बिसास कर्यो।"

योहन् ने यो कायसरु लिख्यो


३० ईसु ने हजु नरा चमत्कार हम चेलाहुंण का सामे दिखाइया जो इनी पोथी माय नी लिख्या हे, ३१ पण जो लिख्या हे, इकासरु लिख्या के तम बिसास करो* के ईसुज परमेसर को बेटो मसीह हे, अने बिसास करिके उका नाम से जीवन पाव।

ईसु म्हारे अने सात चेलाहुंण के नगे आयो

इनी बातहुंण का बाद ईसु गलील* २१ का सरवर कराड़े हम चेलाहुंण पे असो पाछो परगट होयो। २ सिमोन पतरस अने थोमा, जो जुडमा केवाइयो जावे, अने गलील का काना को नतनएल, अने जब्दी को बेटो अने ईसु का चेलाहुंण माय से दूसरा दो हजु वां था। ३ सिमोन पतरस ने उणकासे क्यो, "हूँ मच्छी पकड़वा जई र्यो।"

उणने उकासे क्यो, "हम बी थारा गेले चलांगां।" हम जई के नाव पे चड़ी गया, पण उनी राते हमने कइंज नी पकड़्यो। ४ जदे दन उगवा लाग्यो तो ईसु कराड़ा पे अई के ने उबो हुई ग्यो, पण हम चेलाहुंण ने उके नी ओळख्यो के उ ईसु हे। ५ इका पे ईसु ने हमार से क्यो, "बाळकहुंण, तमारे कने कई मच्छी हे?"

हमने जुवाब द्यो "नी।"



ईसु सरवर कराड़ा पे (JHN २१.५)

६ अने उने हमार से क्यो, "नाव के डाबा हाताडी लई के जाळ लाखो तो पावगा।" तो हमने जाळ लाख्यो तो मच्छी नरी होवा से हम जाळ खेंची नी सक्या।

७ हूँ, जेकासे ईसु परेम राखतो थो, पतरस से बोल्यो, "अरे! यो तो परभु हे!" अने जदे सिमोन पतरस ने सुण्यो के यो परभु हे तो उने अपणो अंगरखो पेरिल्यो, क्योँके काम की वजासे कइंबी नी पेर्यो थो, अने उ सरवर माय कुदी पड़्यो। ८ क्योँके हम चेलाहुंण नानी नाव पे मच्छीहुंण से भर्यो होयो जाळ खेंचता होया आया। क्योँके हम कराड़ा से नरा दूर नी पण करीब दो सो हात* की दूरी पे था। ९ तो जदे हम कराड़ा पे उतर्या तो हमने कोयला का अंगाराहुंण पे पेलों से मच्छी धरी हुई अने रोटा देख्या। १० ईसु ने हमार

* २०.३१ बिसास; थोडाक हात का लिख्या होया लेख माय असो हे लगातार बिसास करता रो।

* २१.१ गलील; यूलानी माय, तिबिरियास, जो गलील का सरवर को दूसरो नाम हे। २ २१.८ दो सो हात; या १०० गज।

* २१.३: लूका ५.५ * २१.६: लूका ५.६

से क्यो, "जो मच्छीहुंण तमने अबी पकड़ी उका माय से थोड़िक यां ल्यावा।"

११सिमोन पतरस ग्यो अने एक सो तिरपन बड़ी मच्छीहुंण से भर्या होया जाळ के कराड़ा पे खेंची ल्यायो। हलाके मच्छीहुंण इतरी जादा थी फेर बी जाळ नी फाट्यो। १२ईसु ने उणकासे क्यो, "अई जावो सिरावणी करी लो।" हम चेलाहुंण माय से कइंका के या पुछवा की हिम्मत नी हुई के, "तू कुंण हे?" क्योके हम जानता था के यो परभुज हे। १३ईसु ने अई के रोटा ल्या अने उणके द्या। असीज उने मच्छी के बी दर्ई।

१४यो तीसरी बखत हे जदे ईसु मर्या माय से जीवता होवा का बाद चेलाहुंण पे परगट्यो।

पतरस से आखरी बात-चित

१५जदे वी सिरावणी करी चुक्या, तो ईसु सिमोन पतरस से बोल्यो, "हे सिमोन, योहन का बेटा, कंई तू इणका परेम से बती म्हार से परेम राखे हे?"

तो उने उकासे क्यो, "हां परभु, तू तो जाणे हे के हूं थार से परेम राखुं।"

ईसु ने उकासे क्यो, "म्हार मेमणाहुंण के चरा।" १६ईसु ने पाछो दूसरी कावा क्यो, "सिमोन, योहन का बेटा, कंई तू म्हार से परेम राखे हे?"

उने उकासे क्यो, "हां परभु तू जाणे हे के हूं थार से परेम करूं हूं।"

उने उकासे क्यो, "म्हारी गाडरहुंण की नेपादारी कर।" १७उने उकासे तीसरी

कावा क्यो, "सिमोन, योहन का बेटा, कंई तू म्हार से परेम राखे हे?"

जदे पतरस का मुन्डो लटकी ग्यो, क्योके ईसु ने उकासे तीसरी कावा असो क्यो, "कंई तू म्हार से परेम राखे?" अने उने ईसु से क्यो, "हे परभु, तू तो सगळो कइंज जाणे। तू यो बी जाणे हे के हूं थार से परेम राखुं।"

ईसु ने उकासे क्यो, "तू म्हारी गाडरहुंण के चरा। १८हूं थार से सांची-सांची कूं, जदे तू जुवान थो तो अपणी कमर कसी के जां चातो थो वा चल्यो-फरतो थो। पण जदे तू डोकरो हुई जायगा तो तू अपणो हात फेलायगा, अने कई को दूसरो थारी कमर बान्दी के अने जां तू नी चावे वां थारे लई जायगा।" १९उने असो कई के बतई द्यो पतरस कसतरा अपणी मोत से परमेसर की म्हेमा करेगा। तो ईसु ने उकासे क्यो, "म्हारा पाछे चल्यो-चल।"

ईसु अने योहन

२०* पतरस ने पाछे पलटी के म्हारे* पछड़े आतो देख्यो, २१अने पतरस ने ईसु से क्यो, "हे परभु, इना मनख को कंई होयगा?"

२२ईसु ने उकासे क्यो, "अगर हूं चउं के उ म्हारा आणे तक रुक्यो रे, तो थारे इका से कंई? तू तो म्हारा पाछे हुई जा।"

२३इकासरु भई-बेनहुंण माय या बात फेली गी के हूं नी मरुवां। पण ईसु ने यो क्यो हयनी के हूं नी मरुवां, पण

* २१.१५ म्हारा मेमणाहुंण के चरा; म्हार पे नवा-नवा बिसास करवा वाळाहुंण के म्हारा बचन सीखाड।

* २१.२० म्हारे; यूनानी माय, उना चेला के जेकासे ईसु परेम राखतो थो।

* २१.२०: योहन १३.२५

सिरप योज क्यो, "अगर हूं चउं के
म्हारो आवा तक रुक्यो रे, तो थारे
इका से कंई?"

२४हूं^b उज चेलो, जो इनी बातहुण की
गवई दउं हे अने जेने इनी बातहुण के
लिखी हे। अने हूं^c जाणूं के म्हारी गवई
सांची हे।

निचोड़

२५नरा दूसरा काम बी ईसु ने कर्या।
अगर उनके एक-एक करी ने लिख्या
जाता, तो म्हारो यो सोंचणो हे के जो
पोथीहुण लिखी जाती वी जग मेंज
नी समाती।

^b २१.२३ हूं; यूनानी माय यो। ^c २१.२३ हूं; यूनानी माय हम।